





9-2.A.34 .



XVII 12 8.

DD. 2.



FLAVII ALEXII VGONII
NOBILISSIMI CIVIS.

BRIXIANI,

De maximis Italiae atque Graeciae
calamitatibus.

Reliqua uide pagina sequenti.

Cum priuilegiis Principum, & permissione
Catholicae Inquisitionis.



BIBLIOTECA NAZ.
ROMA
VITTORIO EMANUELE

8

39

F

6

IN ACADEMIA VENETA,
M. D. LIX.



IN OMNIBUS LIBRARIIS

ET IN OMNIBUS BIBLIOTECIS

ET IN OMNIBUS

ET IN OMNIBUS

ET IN OMNIBUS

De Christi pace, atque ciuili concordia.

De Dignitate atque præstantia Reip. Casinensis.

Ad Cardinalem Polum epistola.

Ad Abbates S. Benedicti, in Concilio Tridentino congregatos.

Epitaphium in obitu Basili Leonis Mantuani.

Consolatoria ad amicum in morte uxoris.



ILLVSTRISS. ET EXCELL.

SABAVDIAE DVCI,

DOMINO ET PATRONO NOSTRO

BENIGNISSIMO.

DIGNVM est humanitate ac benignitate tua, maxime Princeps, qua patrocinium rerum nostrarum suscepisti in omnibus prouinciis & regionibus tuæ prudentiæ uirtutiq; à Catholica Maiestate, consobрино tuo, tui studiosissimo, Philippo, Hispaniarum Rege, commissis, ut & à nobis omnibus communiter, & separatim à singulis, ubicunque detur occasio, aliqua nostrorum animorum grata significatio præbeatur. quocirca, quæ admodum Academiæ nostræ iurisperiti, egregio libro cum tui nominis inscriptione edito, iam instituerunt, quia te Principem esse intelligerent & à natura factum, & disciplina institutum ad obseruandas tuendasq; leges tum in publicis imperiis, tum in priuatis iudiciis: ita nos aliquid ex nostra scientia sumendum, ad teq; mittendum statuimus. quo consilio multa diligenti studio paramus. Interim cum esset apud nos de calamitatibus Græciæ & Italiæ dialogus, scriptus ab opti-

mo & excellenti uiro , qui summa te colit ob
seruantia, intimoq; ex animi sensu diligit, Fla
uio Vgone; in eam sententiam facile conue
nimus uniuersi, ut eum librum tibi dedicare
mus; cum audiremus à multis, eò potissi
mum spectare tuam mentem, ut omnis tibi
regendarum ciuitatum ratio nota sit, quaq;
tuæ potestati aut iam à Deo commissæ sunt,
aut in posterum imperia committentur, in iis
nihil omnino fiat, quod ab ipsius Dei uolunta
te dissentiat. quam cognitionem non aliunde
constat emanare, quàm si quis aduersos
pariter & secundos ciuitatum prouincia
rumq; euentus animaduertat: neque uero
exempla ulla esse possunt uel florentis, uel
afflictæ fortunæ clariora, quàm Græcia, &
Italia; quæ quamdiu bonis Principibus & le
gibus usæ sunt, stetit utraque cum maxima
dignitate, & aliis etiam prouinciis imperauit,
honestis uero studiis repudiatis, & legum se
ueritate neglecta, miserrimam utraque for
tunam subiit, & in acerbissimas incidit cala
mitates. Propterea gratum tibi, & utilem fo
re librum, qui cum tui nominis illustri titu
lo diuulgatus à nobis est, existimauimus: in
eo enim commemorantur quæcunque duæ
illæ, de quibus meminimus, prouinciæ par
tim

rim perpeſſæ ſunt, partim etiam adhuc ſuſti-
nent. cuius infelicitatis cauſas ubi cognoue-
ris, miram prudentiam hauries in publicis
rebus, & augebis, ſi modo acceſſioni locum
reliquiſti, conſtantiam illam tuam in dura
atque difficili fortuna, quam ſenſiſti ab ineun-
te ætate, atque etiam nunc ſentis: ex qua ta-
men beneficia cepiſti duo, omnibus imperiis
anteferenda, atque illud primum, quod in
ore uerſaris omnium hominum, uiuetq; mul-
torum in ſcriptis tui nominis memoria, &
eris præclarum exemplum in omni ætate in-
ter omnes eos, qui grauiffima damna, atque
adeo iacturam uniuerſam rerû omnium for-
tiſſimè tulerunt. Alterum eſt, quod per tot
annos, tot in bellis cum inuiſtiſſimo Carolo
quinto Imperatore, & Catholica Maieſtate,
eius filio Philippo firmum ſemper, & excel-
ſum, minimeq; aduerſæ fortunæ uiribus fra-
ctum animum oſtendiſti: idemq; ſcientiam,
& prudentiam in regendis exercitiis, & in
certaminibus tantam declaraviſti, quantam ne-
mo eſt qui diuinis plane laudibus non effe-
rat: cum omnes in te maiorum tuorum uir-
tutem quaſi reuiuſcere uideant, qua ſtirps
nobiliffima & illuſtriſſima Saxonix floruit,
unde originem ipſe ducis, & unde tot exi-
mii

mii Principes , tot Imperatores fluxerunt :
quorum semper præclara uoluntas fuit , ac
studium singulare non modo in sedandis di-
scordiis , quæ inter Reges Principesq; Chri-
stianos cum exitio multarum gentium emer-
serunt , uerum etiam in oppugnanda poten-
tia barbararum gentium , quæ Christi leges
colentibus infestæ sunt . contra quas ut histo-
riæ ueteres grauissima bella à tuis maioribus
esse gesta , magna cum eorum laude testan-
tur : sic qui nostra in Academia historiæ stu-
dio scientiaq; præstant , mandabunt literis
uirtutes tuas , & præclara facta , quæ tibi apud
nos eam beneuolentiam & obseruantiam pe-
pererunt , qua te prosequuntur meritoq; in
omni ætate prosequuntur quicunque pro-
cuiusque meritis afficiuntur , & rectam iudi-
candi rationem tenent : quandoquidem tuâ
singularem humanitatem & benignitatem
non minus re , quàm uerbis , nemo non , uirtu-
te præditus , quotidie experitur .

Illustrissimæ , & excellentiss. D. V.

studiosissimi serui ,

Philosophi morales Academiæ Venetæ.

THE HISTORY OF THE

REIGN OF

CHARLES THE FIRST

BY

JOHN BURNET

OF

THE UNIVERSITY OF OXFORD

IN TWO VOLUMES

THE FIRST

FROM THE

ORIGINAL MANUSCRIPTS

IN THE

POSSESSION OF

THE

LIBRARY OF

THE

UNIVERSITY OF

OXFORD

PRINTED BY

JOHN BURNET

OF

THE UNIVERSITY OF OXFORD

IN TWO VOLUMES

THE SECOND

FROM THE

ORIGINAL MANUSCRIPTS



FLAVII ALEXII V GONIL

NOBILISSIMI CIVIS

BRIXIANI,

de maximis Italiae atque Graeciae
calamitatibus,

DIALOGVS.

GRAECIA, ITALIA.

GRECIA. Quid ploras Italia? quid ex
intimo cordis affectu suspiras? quid maerore
absumeris? ITALIA. uulnerata undique
ac dilaniata, possum ne non sum noperet
tristari, atque angī? GRAECIA. Miror
equidem, cur tantis assuetis malis iam
callum dolori non obduxeris: cum sapiens
ille dicat, ab assuetis non fieri passionem;
atque ita, ut sese offert sors, a quo
animo minime accipias. ITAL. Fit quidem,
Graecia, etiam ab assuetis passio: talisque
est rerum natura, ut in bonis illa ipsa
oblectetur, & in malis pro longa temporis
consuetudine obdurescat. atque ideo
in aduersis ingemiscunt semper, patiunturque
omnia, sed minus certe quam malis

A assueta

DE CALAMITATIBVS

assueta uidemus . Nouus miles ad omnia
 pauet , sibi omnia timet , & ex minimo
 quoque belli strepitu contremiscit . at
 contra ueteranus intrepide quidem ag-
 greditur omnia, strenueq; ille ipse agēda
 exequitur , & non ita facile difficultati-
 bus cedit. GRAEC. Hoc utique luce cla-
 rius uidetur , omnes in aduersis dolo-
 re , & in prosperis è contrario gaudere.
 Principio enim generi animantium om-
 ni est à natura tributum , ut se , uitam ,
 corpusq; tueatur , declinetq; ea , quæ ei
 nocitura uideantur . sed nimium , Italia,
 te uideo mollem , ac delicatam . Atque
 hinc est , quòd minima quæque mala tibi
 summa , simulq; noxia esse uidentur . tota
 enim iaces : tota confusa es : sed si philo-
 sophari libet , uidebis in sapientis animū
 nullam pene cadere ægritudinem , atque
 illi in utraque fortuna eundem esse ani-
 mum . Quapropter uellem , ut tuæ mihi
 ægritudinis causam patefaceres , persua-
 sumq; haberes , omnibus malis , præ-
 terquam

GRAECIAE, ET ITALIAE. 2

terquā morti, ac desperationi, remedia aliqua inueniri posse. ITAL. Sic neme irrides ò Græcia, cū te modo ignorare calamitatum mearum causam dissimulas; quæ nimirum uniuerso terrarum orbi, tanquam sol, cognita esse uidetur? Sed non ita certe cum miseris agendum est: quibus magis consolationē afferre, quā dolorē addere debemus. GRAEC. Deū ipsum obtestor ò Italia iā totius orbis regina, minime prorsus te à me irrideri. mi sēra nanque, atque calamitosa ego quoque cum esse uidear, magis meam deplorare sortem, quā aliorum miseriam ridere debeo. Captiuitatem igitur tuam, cædes, ærumnas, factiones, seruitutem, ruinas equidem uideo: sed hac in re supremæ illius potestatis consilium, factorum decreta, sortis denique humanæ dispositionem penitus ignoro. Atque hinc est, quòd ex te scire tantæ mutationis causam exoptarem, ut, illa cognita, nos inuicem philosophando consolari possemus. ITAL. Rem penitus difficilē ò

DE CALAMITATIBVS

Græcia postulasti. ex prima nanque illa
 causa omnia pendent, quæ stabilis ipsa
 manens dat cuncta moueri. Quis uero
 cognouit sensum domini, aut quis con-
 siliarius eius fuit? Incomprehensibilia
 nanque sunt iudicia Dei, & inuestigabi-
 les uix eius. uarios autem cæli ipsius in-
 fluxus, atque instabilem, & uanam for-
 tis humanæ conditionem quis cognosce-
 re potest? Sed diuinare, prout homines
 sapientissimi fecerunt, in huiuscemodi
 rebus, magis quàm aliquid certi in me-
 diū afferre possumus. *GRÆC.* Bene, ac
 sapiēter loqueris. *ITAL.* Sed agamus pin-
 gui, ut aiunt, Minerva; & more sapi-
 entum non solum cognita, & quæ præ-
 oculis habentur, sed etiam incognita di-
 scutiēdo perquiramus. Quid igitur cau-
 sæ esse putas, ut quæ olim iam dominæ
 prouinciarum, reginæ gentium, sedes
 imperii totius orbis fuimus, nunc seruæ,
 nūc omnibus pene prostitutæ, qui aliqua
 imperii gubernacula tenent, esse uidea-
 mur? *ITAL.* Diuinare, ut uideo, cupis tu
 quidem

GRAECIAE, ET ITALIAE. 3

quidem omnino nos incipere, sed tibi
morem geram, liberrimeq; quod sentio
equidem dicam; modo ex his commu-
ni dolori, atque calamitati aliqua conso-
latio proficiscatur. GRAEC. Ita profecto
erit, more eorum, qui dum male se ha-
bent, medicis, atque amicis summa cum
diligentia morborum conditiones, atq;
accidentia narrant; atque ita consilia, ac
remedia languenti corpori utilia accipi-
endo, paulatim uel omnino sani, uel mi-
nus saltem infirmi euadunt. ITAL. Dicā
ergo, sed hæc altius repetere oportet.
Cum igitur summus ille rerum omnium
auctor proposuisset creare hominem, in-
primis illum ad imaginem, & similitu-
dinem suam fecit: postremo subiecit illi
omnia, quæ iam ipse creauerat: sicq;
gloria, & honore, ut magnus ille uates
dixit, coronauit eum, & constituit eum
super opera manuum suarum. liberum
ergo, & nemini seruientem, immo om-
nibus imperantem creauit Deus homi-
nem.

DE CALAMITATIBVS

nem: ita ut mulier, atque uir essent sicut Dii: sed quia abusi sunt libertate, sublimisq; ipsius Dei muneribus, ideo ex Paradiso deliciarum expulsi, quem gratia, non iure hereditario, possidebant, in seruitutem carnis, atque peccati inciderunt. Soli Deo opt. Max. Subiecti, quia noluerunt obedire, aliæ quoq; res ipsis subiectæ ab ordine naturæ suæ descuerunt. Atque hinc est calamitatum omnium, ac miserationum origo, atque principium. Bonus nanq; est Deus (ut sapiens ille dicebat) bona fecit, & bono nulla cuius quā boni inuidia est. **GRAEC.** Præclare philosopharis, Italia, & ut omnibus uideri licet, plurium malorum causam hominum peccata, atque scelera esse existimo. quid tu? **ITAL.** hoc utique manifeste apparet: hac enim de causa diluuii aquis iam Deus ipse uniuersum hominum genus deleuit, excepto iusto illo Noe, cum omnibus ex sua familia Deo amicis: poenituitq; eum fecisse hominem. Peccati quoque

GRAECIAE, ET ITALIAE. 4

quoque caussa ignem cū sulphure è cælo
 immisit super Sodomam, & Gomorrhā,
 aliasq; ciuitates: sicq; omnes facinoro-
 sos, & obscænos iustulit ex terra.
 Pharao diuinæ dum uoluit repugnare
 uoluntati, nolens dimittere populum,
 Aegypti primogenita, simulq; regnum;
 uitam, & armatas denique copias, qui-
 bus illum persequebatur, statim amisit.
 Nabuchodonosor, magnus ille rex Ba-
 byloniæ, qui rex regum dicebatur, &
 cui cæli Deus, ut Daniel propheta in sa-
 cra sua historia refert, regnum, & forti-
 tudinem, & imperium, & gloriam de-
 derat, dum uoluit tanquam alter Deus
 in statua aurea adorari, ex hominibus
 eiectus, & in desertum transportatus;
 fœnum, ut bos, comedit, & tanquam
 bellua cum belluis per septem annos uer-
 satus est. Sed quid populus ille electus,
 qui pars Dei; pariter hereditas diceba-
 tur, ita ut filius ipsius Dei ex illo nasci,
 atque cum illo uersari non dedignatus
 sit,

fit, nonne propter impietatem prophetiam, sacerdotium, templum, regnum denique, patriumq; solum perdidit, captiuusq; insuper ab omnibus tenetur, contemptuiq; est omni populo? Quid demū magnus ille Angelus, hac de causa Lucifer dictus, quia plenus uirtute, fortitudine, sapiētia, atq; gloria undique splēdebat, nōne è cælo uelut fulgur elapsus in ima terrarum, relegatus tenetur? dicebat enim immemor, quantum in se diuini splendoris, atque gloriæ Deus habebat, id à se ipso accepisse: ponam sedem meam ad Aquilonem, & ero similis altissimo. GRAEC. Iam equidem per speculum, atque horum exemplum mihi clarissime uidere uideor, quascunque ærumnas, atque calamitates ex nimio gloriæ appetitu, simulq; ex Dei offensa provenire. ad hoc enim mundus iste factus esse uidetur, ut hominum saluti, atque necessitati inserviat: & homo ad hoc pariter est creatus, ut Deo opt. Max. obtemperet,

GRAECIAE, ET ITALIAE. 5
temperet, & illius diuinitate perfruatur:
cui cum repugnare contendit, in aliis
quoque rebus confunditur statim ordo
naturæ. in primis nanque homo ipse di-
gnitatem, atque excellentiam amittit,
nihilq; amissa ratione à ceteris animanti-
bus differt: cælum præterea, atque ter-
ram, & Deum denique ipsum sibi infen-
sum reddit. ITAL. Hoc ita esse, nō modo
superiorum exempla, sed prouinciæ quō
que ipsæ, regna pariter, & imperia, &
totus denique mundus testantur. nam
populi, qui iam imperabant, nunc ser-
uiunt. gentes iam olim liberæ, nunc ita
seruæ, ut etiam uinculis sint mancipatæ.
imperium nunquam stabile fuit, sed mo-
do huc, modo illuc translatus. Aegy-
ptii, Medi, & Assyrii iam ipsi quoque e-
rant rerum domini, nunc denique ser-
ui. Sed quid plura? cum omnia morta-
lium opera mortalitate damnata sint; pe-
nitensq; omnium rerum sit uicissitudo.
GRAE. Sed cur tanta in rebus humanis
inconstantia atque confusio? multa qui-

B dem

DE CALAMITATIBVS

dem ex hominum malitia, atque ex Dei
offensa accidere aduersa arbitror. uerū
si hac solummodo de causā mala omnia
euenirent, boni potissimum omnes im-
perarent, improbi uero seruirent, per-
petuaq; apud sapientes uiros imperii gu-
bernacula manerent. Sed cum his con-
traria plerunque uideamus, regna scili-
cet, atque imperia in manibus improbo-
rum: quid causæ est, cur tam instabilis
hac in parte rerum humanarum condi-
tio esse uideatur? ITALIA. Nimium,
Græcia, acute interrogas: sed quid mi-
rum, cum tu altius rerum statum pene-
tres? uerum quid ego? Nimio nanque
dolore, atque tristitia cum mens sit affe-
cta; quā ratione pelagus tantæ dispu-
tationis traicere poterit? GRAE. Nemo
certe magis dolere, atque tristari debe-
ret, quā ego; quā imperium, quā li-
bertatem, quā disciplinam militare pe-
nitus amisi: ut taceam de Christi piete-
te, de iustissimis legibus, de præstantis-

simis

GRAECIAE, ET ITALIAE. 6

simis morum institutis, & de præclarissimis litterarum studiis, quibus undique florebam, celebrisq; apud uniuersum terrarum orbem eram: sed iam tū tempus, tum ratio ex parte dolori remedia attulerunt, ita ut callum iam calamitatibus meis obduxerim. Tu te quoque philosophiæ potissimum studiis, atque rationibus consolare Italia. tibi consta. forti animo esto. nam sui cuique mores fingunt fortunam. atque ita demum mihi omnia, quæ ex te scire cupio, uoce, sensu, atque ore proprio (si fieri potest) ipsius philosophiæ responde.

ITAL. Id à me, quod hortaris, omnino fieri uellem: sed hoc mihi non ita facile uidetur: subtilius nanque ista uerbis, quàm factis, disputantur. sed illorū exemplo, qui per alta maris nauigant, remis, ac uelis (ut ita dicam) conabor ad portum summæ philosophiæ nauiculam sermonis, atque sententiarum mearum dirigere. Hac igitur potissimum de

caussa humanarum rerum conditio mihi non stabilis, & arumnis, atque confusione denique plena uidetur, quia eorū, quæ sunt, partim æterna, partim perpetua, partim temporaria, atque caduca cæli, terræq; auctor uoluit esse. solus igitur Deus, diuinæq; personæ æternæ, Angeli, hominumq; animi perpetui. Mundus uero ex iis esse uidetur, quæ principium atque finem habent. omnis enim creatura ingemiscit & parturit usque adhuc, (ut magnus ille gentium doctor testatur) redemptionem filiorum Dei expectans: transitq; habitus huius mundi de generatione ad corruptionem, quousque, igne prius consumptis omnibus, quæ uidentur, cælum nouum, & terra noua in nouissimis temporibus fient. Homo igitur, qui est nobilissima huius mundi pars, immo, ut aliqui uolunt, alter ille ipse mundus, & quæcunq; hominis sunt, siue diuitiæ, siue honores, siue regna, siue imperia, siue gloria, ad corruptionem, & interi-

GRAECIAE, ET ITALIAE. 7

interitum omnia denique tendunt, nihilq; perpetuum, ac propriū in hac uita. GRAEC. Certe mecum iocabaris, Italia, cum te dolore, atque tristitia ita affectam esse dicebas, quod minime ualeres tam magnā, atque profundā quæstionis pelagus traicere. sed quid est, quod ex te audio? In cælum usque ascendisti, ibiq; philosophiæ, atque diuinæ rationis oculis, causam malorum nostrorum tandem inuenisti; & digito (ut aiunt) uulnera nostra pressisti. sed hoc quoq; ex te scire cupio: mutantur ne ita quæ in cælis, & super cælos sunt, ut ea, quæ sub illis esse uidentur. ITAL. Tu mihi tantum tribuis, Græcia, quantum ego nec agnosco, nec postulo: sed facis amice; de iis uero, quæ modo percontabaris, in medium equidem afferam, quæ uera esse iudico. Septem igitur cælos esse dicunt, & hos quidem singulos planetas habere; qui cum uariæ proprietatis, atque naturæ sint, uarios utique influxus in mortales

les transfundere, atque hinc esse diuersa
 illorum studia affirmant, ut ciuilis uita,
 quæ diuersis adiuuentis, atque artibus
 indiget, tueri semper, atque conseruare
 illa possit. Super septem uero aliud po-
 nunt, quod cælum stellatum, siue firma-
 mentum uocant, in quo zodiacum fi-
 xasq; omnes stellas collocant. istis post-
 ea nonum adiungitur cælū, nona sphaera,
 siue primum mobile appellatum: ex quo
 tanquam ex anima alios motum accipe-
 re uolunt. Atq; hinc esse temporis men-
 suras, & spatia, variasq; planetarū con-
 iunctiones, atque cælorum motus dicūt:
 ex quibus pestilentia, fames, annorum
 uicissitudines, atque fertilitates, tempe-
 states, bellorum incendia, principū dis-
 sensiones, regnorum mutationes, & o-
 mnium denique generationes atque cor-
 ruptiones provenire asseuerant. Prima
 nanque illa causa cælis motum, atque
 uirtutem, proprietatemq; illis congru-
 entem (ut isti uolunt) præbet: secundæ
 251 uero

uero causæ uitam similiter, motum, alterationem, corruptionem, atque uirtutem rebus inferioribus subministrant. nihilq; penitus in terris accidit, nihil mouetur, quod non ex Dei prouidentia, simulq; ex cæli dispositione proficiscatur. GRAEC. Sed de his satis: optime namque ac breuiter (ut fieri conuenit) unde, uel qualis sit calorū motus, atque dispositio, explicatum est. Sed hic obiter scire uellem, unde Epicurum existimas accepisse argumentum, quo affirmaret in rebus inferioribus non esse Dei prouidentiam. ITAL. Vir ille parum certe, immo nulla in re cognouit mysteria ueritatis, neque à liminaribus quidem ipsis sapientiæ Dei sacellum intuitus est. Quapropter cum uideret bona malis, mala bonis plerunque accidere, omniaq; humana simul misceri, atque confusa esse, ita certe credidit, ita persuasum habuit, atque ita docuit, in rebus humanis nullam esse Dei prouidentiam. sed omnium imperitissi-

DE CALAMITATIBVS.

peritissimus nullam quoque aliã uitam,
quã præsentem, esse dicebat; utpote
qui animorum immortalitatem, tanquã
poetarum fabulas haberet: & hac qui-
dem de caussa summum bonum in uo-
luptate ille ipse ponebat, cum ignora-
ret, quæ esset uera uoluptas, illaq; hic,
& ubique simul cum ueris bonis optimos
tantum, ac præstantissimos uiros poti-
ri. Verũ hæc hætenus. Reliquum est;
ut de statu decimi cæli dicamus, quod
Empyrium dicitur, eo quòd instar ignis
undique totum lucidum, totum splendi-
dum tum ex sui natura, tum ex præsentia
summi Imperatoris nostri Dei esse di-
cunt; in quo sedes beatorum sunt: qui
tanquam stellæ in firmamento felicissi-
mi huius cæli lucent. Nam suprema illa
potestas, cum sit ipsa lux gloriæ, simulq;
ineffabilis bonitatis, atque pulchritudi-
nis fons nunquam deficiens, cum omni-
bus, qui illam uere colunt, atq; adorant,
ex sua potissimum felicitate, atque bea-
titudine

titudine communicat: neque aliquid est, quod uirtutis eius, qui omnia mouet, nō sit particeps, plus tamen, & minus, prout illi placuit, qui omnia in pondere, numero & mensura fecit. illic igitur nihil uariū, nihil caducum, sed omnia perpetua, omnia sempiterna esse dicuntur: quemadmodum est ille, qui beat felicissimos illos spiritus, qui sunt tanquam reges, ac principes diuini splendoris, atque gloriæ, & tanquam una ciuitas deorum: cui imperat, & quam regit ille, qui est principium, atque finis omnium rerum, quiq; esse, uiuere, sentire, moueri, atque uti ratione, quibuslibet præstat: qui in mortem tradit, & denuo ad uitam reuocat, deducit ad inferos, & reducit, ut sacra uatum oracula testantur. Huius igitur imperii sceptrā immortalia; atque huius potestas æterna. omnia enim, quacunque uoluit, fecit in cælo, & in terra, in mari, & in omnibus abyssis.

GRAEC. Si Dei solius imperium est im-

mod

C mor-

DE CALAMITATIBVS

mortale, atque æternum, consequitur omnia alia imperia cum tempore incipere, atque cum illo finire. ITAL. Ita certe apparet. Non modo enim imperia, & regna, sed uita quoque ipsa, atque omnia simul humana cum tempore facta, suum denique fatalem sortiuntur finem.

GRAEC. Me quidem hic latet Italia cū mortales finis, cur tã anxio, summoq; cum studio diuitias, opes, clientelas, honores, & super omnia regna, atque imperia huius uitæ quæramus: diu enim hinc rebus frui non possumus. ITAL. Nobilissimū utique animal, & super omnia præstans, est homo; diuinarumq; omnium rerū semina in animo suo gerit: quo fit, ut cum sese ad imperium, non ad seruitutem, esse natum sentiat, illud ambiat, hanc totis uiribus fugiat, omnibusq; præesse contendat: corde, atque ore illud Cæsaris sapissime in seipso reuoluent. Si uiolandum est ius, imperii causa uiolandum est. Superiora uero illa quoque
bona

GRAECIAE, ET ITALIAE. IO
bona quærit, cum manifeste appareat,
multa secum commoda illa ipsa deferre:
sed fieri potest, ut aliquis pro summa a-
nimi uirtute omnia ista contemnat, ni-
hilq; bonum, præterquam honestum, du-
cat; & tamen nihilominus imperium,
atque gloriam uel quærere, uel oblatam
amplecti non uereatur: ultima nanque
omnium est gloriæ, atque imperii uestis,
qua denique sapiens, qui humana o-
mnia despexerit, exuitur: ita dura est
domina, atque imperiosa illa cupiditas,
quæ est imperii, atque dominationis.

GRAEC. Si homo (ut superius dicebas)
ad hoc est factus, ut imperet, non ut ser-
uiat, cui ille imperabit, si nullus homo
seruire debet? ITAL. Nimirum certe ar-
gutaris ò Græcia: paribus nanque cōdi-
tionibus nascuntur mortales, sed non pa-
ribus illi ipsi uiuunt: ideo sapientes stul-
tis, generosi imbecillioribus, boni de-
nique malis ita dominari debent, ut ani-
malibus, atque omnibus, quæ sunt mi-

noris dignitatis , atque uirtutis illi ipsi
dominatur. GRAEC. Sed quid , cum
pulcherrimus iste ordo naturæ confun-
ditur ? improbi nanque (ut uidere li-
cet) plerunque imperant : boni uero
seruire , illisq; obtemperare coguntur.
ITAL. Hinc proculdubio est ciuita-
tum , & rerum publicarum , regnorumq;
& imperii denique quantumuis magni ,
atque fortissimi ruina , atque amissio.
nam potentia sine sapientia , quid aliud
esse uidetur , quàm torrens inundans ,
uel gladius (ut aiunt) in manibus furiosæ
dum enim sapiens regnat , uiget mo-
rum disciplina , uiget militia , uiget ius ,
præclarissimaq; litterarum studia sum-
mopere florent , omniaq; in officio suo
semper manent , ita ut uere beata re-
gna , beata imperia possint dici , quæ
talem moderatorem , talem principem
fortitæ fuerint . At è contrario , dum re-
gnat stultus , ingens ruina in populis ,
in ciuitatibus , & nunquā finis miseria-
rum

GRAECIAE, ET ITALIAE. II

rum esse uidetur : Studia nanque & curia pariter , atque personæ principum sunt tanquam gymnasia publicæ disciplinæ. Dum Roma Augustum , Traianū , Adrianum , & Pios habuit , adeo bello , paceq; floruit , ut beatissima ab omnibus haberetur : quandiu uero Caligula , Nero , Galienus , & Commodus imperii sceptrā tenuerunt , dici certe non posset , quam misera , quamq; calamitosa esset. proscriptiones undique , cædes , rapinæ , exilia , mortes , incendia , imperii euersiones , atque diuisiones , captiuitates. GRAEC. Si tantam hominum sapientissimi gloriam ciuitatibus importāt , cur ciues , cur populi tales semper non eligunt , & uocant , uel nolentes etiam non impellunt ad præturas , ad consulatum , atque ad ipsius imperii administrationem ? ITAL. Ut uideo , parum certe , Græcia , improborum calliditas , atque impudentia tibi cognita uidetur esse. nam isti quamuis non mereantur honores,

DE CALAMITATIBVS

res, semper tamen illos summo cum studio, ac diligentia quærunt. Quod si hoc non sufficere uiderint, illos emunt, illos denique sibi dari, quo quomodo dentur, uolunt: boni uero contra, cum sese ex merito præstantissimæ uirtutis dignos honoribus intelligant, non quærunt quod iure naturæ, pariterq; diuinarum, atque humanarum legum decretis sibi dari omnino conuenit: cum incongruum esse uideatur, ut medici, qui male se habent, ad sese uocent curandos, & magistri pariter discipulos quærant, ut ex sese rerum doctrinam illi ipsi accipiant. Satis quidem est, si uocati annuant.

GRAEC. Si uerum nos credimus, quod sapiens ille dixit; magistratum scilicet ostendere uirum, miror equidem, cur sordidi, atque hominum stultissimi non magis illi ipsi etiam oblatos recusent honores. Cum hoc utique scire possint, quod sunt tanquam in specula positi, ubi eorum stultitia, atque improbitas
ma -

manifeste ab omnibus uideri potest. non qui habet, sed qui meretur honores, laudabilis est. Magis nos quidem uirtus, quàm summa dignitatis conditio, quàm etiam imperii ipsius sceptrum honestat, atque commendat. I T A L I A. Si homines ita boni, ita magnifici esse starent, ut apparere uolunt, felix utique hominum genus, beata mortalium species: mundus iste uere mundus, uere ornatus, non immundus, neque confusus esse uideretur. nam Socrates hanc uiam ad gloriam proximam, & quasi compendariam dicebat esse, si quis id ageret, ut qualis haberi uellet, talis esset. sed fluctuant illi ipsi inter simulationem uirtutis, atque amorem utilium assidua iactatione. nomen tantum uirtutis usurpant, sed quid ipsa ualeat ignorant. dum enim malis fortuna fauet, undique splendent, atque omnibus imponere student. sed si quid acciderit, quod disturbet, ac detegat eorum improbitatem, ad illud statim

DE CALAMITATIBVS

statim Euripidis recurrunt : sine me uocari pessimum, ut diues uocer : an diues, an bonus nemo, omnes quærimus : ubique tanti quisque, quantum habuit, fuit. bene moritur, quisquis moritur, dum lucrum facit. sed quid plura ? cum omnibus patëat, hinc non modo ciuitatum, sed denique totius orbis exitium, atque confusionem prouenire : quando aliquis inter homines id agere conatur, quod sui muneris, atque officii natura noluit esse. GRAEC. Præclare loqueris Italia. natura enim, rerum omnium mater, unicuique, quod sibi placuit, suumq; esse debuerat, contulit : optimeq; in magna huius mundi republica res sese haberent, si unusquisque in suo officio maneret : nascuntur poetae, fiunt oratores : sed scribimus indocti, doctiq; poemata passim : in cunctis nanque singuli eruditi penitus uideri uolumus : cum neque illud, quod potissimum profitemur, bene sciamus. quod præuidens diuinus ille Plato

noſter

GRAECIAE, ET ITALIAE. 13

noster in optima sua republica uoluit, ut qui miles esset, nullo pacto implicaret se in officio senatoris, neque senator in officio militis: hoc utique persuasum habens, à singulis singula recte confici posse, plura uero minime. quod si quis plura aggressus fuerit, in singulis ita ea deficere dicebat, ut in nullo euaderet egregius. ITAL. Sed quid dicemus: cum minimæ quæque artes sine magistro non discantur, pauciq; admodum inueniantur, qui bene se ipsos uincere, atque regere sciant: tamen omnes pene alios bene regere, præturam, consulatum, dictaturam, ceterasq; dignitates tam anxie quærendo, profiteamur. cum nihil difficilius sit, quàm bene imperare: quod Dioclitianum imperatorem, deposito imperii sceptro, dixisse ferunt. sed cæca omnino, atque impudens est ambitio. Plato namque totos ex massa aurea constare dicit, quos Deus fecit, ut ciuitatibus, regnis,

D atque

DE CALAMITATIBVS

atque imperiis præessent: talesq; nimirum uere admodum populorum pastores, & nationum reges, ut Homerus Agamemnonem uocabat, esse uidentur: nullaq; magis alia re ceteris præstare student, quàm sapientia, bonitate, humanitate, atque uirtute. pascuntq; illi ipsi populos tanquam optimi pastores, ac curant tanquam humanissimi patres, priuatam semper publicæ utilitati, atque saluti postponentes. malos præterea puniunt, bonos denique amplissimis dignitatibus, atque muneribus honestant. sed rara auis principum integritas; ita ut boni in uno annulo possent describi; sicut quendam scurram magis quidem uere, quàm iocose dixisse ferunt. GRAEC. Quid prohibet ne boni sint? ITAL. Hoc quidem sapissimè inter sapientes disputatum fuit, cur principes, Dei iudicia gerentes in terris, nulla habita ratione officii, atque dignitatis sibi ipsis concessæ, ut diuinorum,

GRAECIAE, ET ITALIAE. 14
rum, humanarumq; legum anima, si-
mulq; Dei iustitiæ ministri sint, mali
plerunque esse uideantur: hocq; po-
tissimum, tum ex mala illorum natura,
tum ex ignorantia rerum agendarum,
tum ex pessimis consultoribus, qui etiam
bonum, atque optimum imperatorem
quotidie uendunt, tum ex nimia aucto-
ritate, atque licentia euenire dicunt.

GRAEC. Quanam ratione, qui iusti,
qui clementissimi, ac sapientissimi fue-
runt, ut Caroli, ut Pii, ut Augusti, exi-
stimas illos bene imperium administra-
se? ITAL. Deorum in primis cultu, at-
que timore, generosa præterea, atque
aurea natura, magnifica educatione,
philosophia duce, optimisq; insuper sibi
ipsis adiunctis consiliariis, hoc illos fecis-
se existimo.

GRAEC. Diuinum igitur
munus, magis quàm humanum, Deoq;
proximum, immo proprium hoc uti-
que esse uidetur. ITAL. Quid ni? cum
experientia, rerum magistra, ita esse ma-

DE CALAMITATIBVS.

nifeste doceat. hac enim de caussa senatus Romanus olim iam optimos imperatores, cum ultimo illi ipsi concessissent fato, inter deos connumerabat. quidquid enim siue fortuna, (ut dicitur) siue suprema illa potestas alicui datum uelit, talium ore pronuntiat; nihilq; difficilius, quàm in tanta rerum licentia se ipsum uincere, aliosq; præclare, ac sapienter regere. GRAEC. Cum tam difficile uideatur bonos bene imperare, quid mirum, si maliis contraria agant, cum semper aures ueritati clausas, patulasq; adulationi, atque assentioni teneant, nullosq; alios magis sibi adhibeant consultores, quàm proprias, simulq; nefarias cupiditates? ITAL. Sed heu heu me miseram; quia talis principum meorum improbitas mihi gloriam, mihi imperium, mihi denique libertatem omnem penitus eripuit. nullum enim malum in ciuitatibus, aut in regnis, quod non ex dominorum peruersitate, atque

GRAECIAE, ET ITALIAE. 15
atque stultitia profectum plane constet.
GRAEC. Quid iterum ploras Italia?
quid tristitiæ, atque maroris affectu
conficeris? putabam equidem philoso-
phiam pulcherrimis suis sensibus, at-
que diuinis rationibus ex oculis tibi iam
lacrymas deterfisse, animumq; in uir-
tutis adamante obfirmasse, pariterq; tri-
stitiæ nebulas à tua mente consolationis
Zephyro penitus dispulisse. sed modo
etiam te lacrymis plenam, nimioq; do-
lore affectam uideo. quid sacræ philo-
sophiæ studia? quid ratio? quid fides?
quid diuinarum scripturarum oracula
tibi profuerunt? nondum rebus in ar-
duis æquam mentem seruare, nec secus
in bonis ab insolenti temperaturam læ-
titia didicisti. nam cum omnium sapien-
tissimus dicat; præbe occasionem sapien-
ti, & sapientior erit; quid extimescis?
quid dubitas? forti animo esto. uirtus
nanque circa difficilia uersatur, & ma-
gnanimos semper labor nutrit.

ITAL.

DE CALAMITATIBVS

ITAL. O quàm facile est philosophari uerbis, aliosq; pulcherrima, atque accurata oratione consolari: sed non ita affectus, ut lingua, regitur. quapropter hic mihi ingenue responde, ò Græcia: si tibi daretur facultas eligendi quidquid placeret, statum ne tibi miserrimum, an uero florentissimum deligeres?

GRAEC. Quis ita stultus, ut se esse miserum malit, quàm felicem? prudens homo difficultates, si forte inciderint, feret, sed non quæret. ITAL. Sapienter loqueris, Græcia: cum tu scilicet, tum alii omnes aduersis rebus tristentur, prosperis uero è contrario gaudeant.

GRAEC. Sed hoc opus, hic labor, ut intelligant homines, quid reuera sit bonum, atque malum: cum sapissime umbram pro ueritate accipiant, bonumq; malum dicant, & malum bonum; quod magnus ille summi Dei interpretis eis ipsis obiecit dicens: filii hominum, usque quo graui corde? ut quid diligitis uanitatē,

tatē, & quæritis mendacium? hoc idem gentilis quoque ille poeta ait: O curæ in terras animæ, & cœlestium inanes. ITAL. Bonum ne impietatem, cædēs, rapinas, populorum depredationes, expilationes, factiones, iustorum exilia, bonorum oppressiones, atque mortem arbitraris? GRAEC. Id omne ita malum esse arbitror, ut pene summum dicam. ITAL. Cum undique igitur tot fœdissimis cladibus me omnino exulceratam uideam, & iam in turpissima seruitute constitutam, possum ne non summopere tristari, atque dolere? nam cum omnis seruitutis species sit misera, tum illa intolerabilis, seruire timidis sine ulla spe futuræ aliquando libertatis. GRAEC. Pulcherrima utique res est libertas, adeo ut non bene cum toto commutetur auro. ITAL. Id nemo melius intelligere potest, quàm qui utrumque, libertatem scilicet, atque seruitutem, expertus fuerit. iam olim equidem

dem domina rerum, imperatrixq; totius mundi cum fuerim, & talis, ut de me uere illud posset dici : Imperium oceano, famam quæ terminet astris, nunc undique diuisa, nunc dilaniata, nunc denique præda hostium meorum facta esse uideor. GRAEC. Sine me meam deplorare sortem : quæ cum mater liberalium disciplinarum, & alumna uirtutis, domiciliumq; libertatis, atque emula Romani imperii existerem, iam omni ex parte antiquum honorem, libertatem, atque gloriam nunc penitus amiserim. in hoc quidem te certe consolari potes, quòd non omnino tuam ipsius dignitatem, atque maiestatem perdidideris. licet enim sceptrum Romani imperii in alia loca translata fuerint, adhuc tamen uiuit in aliqua tui parte antiqua illa libertas, atque gloria, nomen adhuc remanet imperii. nam cum ex tuis non sint, qui imperent, se tamen reges, atque imperatores Romanorum uocari uolunt.

uolunt. Petri sedem, atque clauēs habes. præterea ubique ferax, atque fecunda est terra tua, omnia illa utique præstans, quæ hominibus grata, iucunda, atque utilia esse uidentur: adeo ut uere terra re-promissionis, atque paradysus deliciarum possit appellari. quid igitur libertatis, quid honoris, quid maiestatis non habes? populi tui pulcherrimi: ciuitates tuæ præstantissimæ: principes inclyti. iam omnium rerum artes, iam præclarissima litterarum studia, iam disciplinæ militaris præstantia munerata tua propria esse uidentur. quid amplius cœli, terræq; Deus? quid natura ipsa tibi potuit facere, quod non fecerit?

ITAL. Hæc omnia quid profunt sine libertate? Gigas undique, catenis constrictus, quid faciet? reor equidem, ut non mihi, quod pulcherrimæ mulieri, eueniat: plures illa amatores habet, sed nemo est, qui eius libertatem, qui honestatem, qui gloriam conseruet. ex illa

DE CALAMITATIBVS

omnes, quod proprie libidinis, atque nefariæ cupiditatis est, quærunt. ita enim Hunni, atque Gotthi immanissimi illi populi fecerunt: qui me armis subiugati, totam omnino fœdissimis cladibus affecerunt, & denique Romam ipsam, iam totius mundi caput, solo æquarunt. sed ò fata, ò pessima hominum studia. nemo aliis, sed modo sibi unusquisque duntaxat uiuit: dumq; quod suum esse dicunt, tueri uolunt singuli, en quò discordia ciues perduxit miseros. iam quæ erant ancillæ, quæ seruæ, modo quidquid libet, quidquid uidetur imperant; seruitq; regina mundi, & domina prouinciarum, undique captiua tenetur. GRAEC. Nimia semper felicitas robur animi, atque uires frangit omnino, uel imminuit, delicatūq; ac molle etiam in minimis quibuscunque rebus patientem reddit: summumq; genus infelicitatis misero est, fuisse aliquando felicem. quocirca olim iam nimium tu
felix

felix Italia, atque beata, nunc misera,
 nunc ærumnosa omnino tibi uideris. sed
 quid ego? quid nobilissimæ aliæ mundi
 prouinciæ? quid amplissima regna; quæ
 modo iugum turpissimæ seruitutis du-
 cûr? quid Numantia? quid Carthago illa?
 quid Hierosolyma? quid Athenæ? a-
 liæq; celeberrimæ ciuitates? quarum pe-
 ne nullum modo residet uestigium: im-
 mo aratur, ingensq; solitudo terrarum
 esse uidetur, ubi aliquæ ipsarum tam
 magnifice fixæ erant. ITAL. Quid mi-
 hi prodest aliorum miseria? Inuidi profe-
 cto est uelle socios habere pœnarum.
 GRAEC. Si hoc nihil, uel parum tibi
 prouidet, iuuet saltem, quod ex tua mi-
 seria alii felices, ex tua seruitute alii do-
 mini euaserunt. cui enim non ex alieno
 damno lucrum? nam ita res humanæ se-
 se habent, ut corruptio unius sit gene-
 ratio alterius: qui callidior est, & cui
 magis arriserit fortuna, ille potentior.
 quid reges amplius, quàm quisque pri-

uatus intulerunt illi ipsi in hunc mundum? scis ne, quid potissimum homines faciat principes? ITAL. Id equidem scio, omnem potestatem à domino Deo esse, ut magnus ille doctor gentium dixit. GRAEC. Si bona fuerit potestas, proculdubio ex domino Deo est: tuncq; bona esse uidebitur, quando tota ex massa illa aurea, de qua superius diximus, constabit; utpote benefica, liberalis, magnificentissima, & omnibus denique uirtute, humanitate, atque sapientia præstans. ITAL. Quid, si mala? GRAEC. A Deo, sed non ex Deo, rerum sacrarum periti illam esse dicunt: quoniam, quæ bona, ex Deo, idest Dei opera, atque uoluntate fiunt: quæ uero mala, à Deo, idest Dei permissione, pro arbitrio liberæ hominum uoluntatis accidunt; unde illud ex diuinis oraculis de Saule pessimo rege scite dictum: Elegerunt sibi regem, & non ex me. bona enim omnia ex diuino illo totius pulchritudinis

tudinis, atque bonitatis fonte emanant: soligitur optimi, ac præclarissimi principes ex Deo esse uidentur; quoniam, quæ Dei sunt, agunt: peccati uero causa permittit Deus, etiam regnare impios, atque facinorosos homines: qui uentri, qui libidini, qui nefariis cupiditatibus sese penitus addixerunt, & à Christi pietate, atque clementia sese omnino abdicarunt. ITAL. Nihil ne aliud malos regnare facit, nisi, quod ita Deus propter hominum scelera, atque peccata permittere uidetur? GRAEC. Hoc utique est, quod ex te superius equidem scire uolebam: sed libere dicam, ego, quod sane de hac re sentio. Cum homines duobus constent, animo scilicet, & corpore, pluribus utique morbis, atque ægritudinibus in utroque sapissime illi ipsi laborant. qui uero ambitione, atque philautia affecti fuerint; si potentia, si ingenium accesserit, si fortuna denique annuerit, rapinis, cædibus, atque ui-

uiolentia fiunt principes, atque aliorum
 domini: & quod ita res sese habeat, Cæ-
 far ille tuus quam uia Imperator est
 factus? cesserat ne illi pater iure hæredi-
 tario imperium populi Romani? tu quo-
 que Italia, quod ius super Asiam, &
 Africam, ceterasq; mundi prouincias ti-
 bi datum fuerat? Non ne ui, & armis ita
 magnum, atque gloriosissimum Impe-
 rium occupaueras? unde Vates ille tuus
 argumentum acceperat, ut tibi mire af-
 sentaretur, dicens Romanos rerum do-
 minos: hoc illis utique proprium: parce-
 re subiectis, & debellare superbos, nisi
 ex rapinis, & cædibus tuis, quæ omnia
 milites Romani (mutando nomina re-
 bus) trophea uocabant, triumphos ma-
 ximos ex ita partis rebus ducere non e-
 rubescentes. sed ò tempora: ò mores:
 minuta sacrilegia puniuntur, & magna
 in triumphis ducuntur. ITAL. Quid tu
 Græcia? Alexander ille Magnus quam
 ratione, quo iure tam amplum sibi pa-
 rauerat

fauērat imperium? Athenienses præte-
 rea, atque Lacedæmonii, unde pulcher-
 rimum, atque fortissimum sibi principa-
 tum acquisierant? GRAEC. Vi, &
 armis ipsi quoque omnes quidquid ha-
 bebant, occupauerant. ITAL. Si ita
 esse crederemus, nemo utique princi-
 pum legitimus esset dominus rerum
 suarum, omnesq; tyranni, simulq; uiol-
 entia ministri uiderentur: sed nimis
 profecto absurdum ita persuasum habe-
 re: cum plurima pars illorum, uel ex
 iure hæreditario, uel ex optimatum ele-
 ctione reges, ac summi principes fiant.
 GRAEC. Iure quidem naturæ nemo
 aliorum dominus, nisi qui melior, qui
 aliis sapientior esse uidetur: iure uero
 gentium hic Rex, ille Imperator dicitur,
 & est. sed si altius hæc repetere, mun-
 diq; statum, atque ætates considerare
 placeret, perspectum utique habere-
 mus, non qui melior, sed qui uersutior,
 ac callidior, & cui magis arriserit fortu-
 na,

na plerunque regnasse. ITAL. Quo-
 quo modo regnare contingat, hoc uti-
 que summum bonum putant esse homi-
 nes. GRAEC. Igitur summum ma-
 lum est seruitus. ITAL. Ita profecto.
 GRAEC. Quam seruitutem intelligis?
 nam ab eruditis uiris dictum est, nisi sa-
 pientem liberum esse neminem, hic ue-
 ro laudari imperatorem, aut etiam ap-
 pellari, aut hoc nomine dignum putari
 uolunt, si primum refranet libidines,
 spernat uoluptates, iracundiam teneat,
 coerceat auaritiā, ceterasq; animi labe-
 repellat. tumq; dignū putant, ut incipiat
 aliis imperare, cum ipse improbilissimis
 dominis dedecori, ac turpitudini pal-
 rere desierit: dum quidem his obediunt,
 non modo imperatorem, sed ne liberum
 quidem habendum omnino uolunt.
 ITAL. Admirabilia sunt ista, contraq;
 opinionem omnium, in gymnasiis, & in
 otio à stoicis disputata, sed non proba-
 ta. hacq; de causa ab ipsis etiā παράδοξα
 appellantur.

appellantur. sed cum duplex seruitutis species esse uideatur, neutra omnino mihi probatur. GRAEC. Scis ne duplicem quoque esse libertatem, ciuilem scilicet, & moralem? ITALIA. Quidni?

GRAEC. Quam ergo ex his magis tibi eligeres? ITAL. Vtranque: cum male una sine altera, quod uult, efficere possit. nam, quid egregium sapiens siue in republica, siue in toto terrarum orbe, sine libertate agere potest? multa uero è contrario mala, qui stultus est dominus, uel rex, sine sapientia faciet. cum potestas sine illa, (ut iam dictum est) sit, tanquam gladius in manibus furiosi. hocq; Neronis crudelitas, rabiesq; Caligulae clarissime demonstrant; quorum alter populo Romano unam tantum ceruicem desiderabat, ut uno ensis ictu simul omnes interficere posset.

GRAEC. Bene utique loqueris, ac sentis Italia; sed quid, cum meus ille Socrates, qui Apollinis oraculo sapientis-

osuit

F simus



simus est iudicatus, dicat, quòd potentia, quòd diuitiæ improbitatis magis, quàm bonitatis sunt ministræ. nemo aliorum dominus, nemo rex uult esse, ut curet quæ dei, quæ populi sunt; sed ut gaudeat, ut deliciis affluat, satisq; propriis cupiditatibus faciat. sed quomodo, aut cui tandem hic libero imperabit, qui non potest cupiditatibus suis imperare? utram ergo tibi libertatem eliges, ciuilem ne, an moralem? cum non facile una simul cum altera stare possit. ITAL. Difficile id quidem: sed fieri etiam potest, ut una alteram subsequatur, utq; in eadem re simul bonitas, atque potentia commorentur. multi quidem boni principes, atque optimi imperatores fuerunt, ut Constantinus, qui primus pietate ornauit imperium, aliiq; plures. GRAEC. Potens est Deus, etiam de lapidibus ipsis præclarissimam hominum stirpem suscitare, filiosq; eos ipsos fidelissimi Habraæ facere. hocq; ideo

ideo per certo habeo, quos elegerit ipse in reges, ac principes, ita eos tutari, ut non modo boni, sed optimi quoque esse uideantur: sed ueritas mentiri non potest, quæ dicit, quod difficile est diuitem intrare in regnum calorum: neque enim, unquam expletur, nec satiatur cupiditatis sitis: neque ea solum modo, quæ habent diuites, libidine augendi cruciantur, sed etiam amittendi metu. Sed mihi tandem explica, quid ueram libertatem esse affirmes.

GRAEC. Potestatem uiuendi, ut uelis.

ITAL. Viuit ne ut uult, qui hostibus, qui tyrannis, qui nequissimis dominis seruire cogitur? GRAEC. Non, ut arbitror.

ITAL. Quis igitur uiuit, ut uult, nisi qui sui ipsius dominus est, & qui recta sequitur, qui gaudet officio, qui legibus quidem non propter metum paret, sed eas sequitur, atque colit, quia id salutare maxime esse iudicat, qui nihil dicit, nihil facit, nihil cogitat deni-

que, nisi libenter, ac libere: cuius omnia consilia, resq; omnes, quas gerit, ab ipso proficiscuntur. eodemq; referuntur: nec est ulla res, quæ plus apud eum polleat, quàm ipsius uoluntas, atque iudicium. GRAEC. Hoc quidem soli sapienti contingit, ut nihil faciat inuitus, nihil dolens, nihil coactus.

ITAL. Quanam ratione id agere poterit, sine sua ipsius libertate, atque sub potestate tyranni constitutus?

GRAEC. Difficile id quidem: sed tamen aget; cum tantæ gravitatis, constantiæ, atque magnitudinis animi sit, ut in ipsa quoque dominetur, astra. cui quidem etiam, quæ uim habere maximam dicitur, fortuna ipsa cedit; ut sapiens ille poeta dixit: suis ea cuique fingitur moribus. ITAL. Si ita facile, Græcia, philosophari factis, ut uerbis, concederetur, bene, ac præclare res nostræ sese haberent. sed, quid tandem? nonne qui aliquò tendit, securiorem semper sibi eligit

eligit uiam? nos uero, quorsum difficultates quærimus, uel etiam oblatas amplexamur in re tam magna, atque periculosa; ut est, amissa libertate civili, uelle animorum libertate uti? nihil difficilius, quàm bene uiuere cum tyranno, atque cum perditissimis dominis; quippe qui nihil magis, quàm bonorum uirtutem, atque constantiam, timeant, perspectum habentes, fortissimum omnium contra se ipsos propugnaculum esse bonorum consensionem. atque hinc semper occasionem illi ipsi quærunt, ut eos uel exilio in remotiora loca relegent, uel morte denique de medio tollant. heu igitur quid faciam misera, pulcherrimo utique libertatis munere, simulq; imperiali, atque regali maiestate priuata, & undique serua, atque captiua, pariterq; omnibus dominari cupientibus, tanquam mulier sine proprio uiro, exposita? quid, inquam, faciam? cum filii quoque ipsi, quos in deliciis eputriui, &

ad

DE CALAMITATIBVS

ad supremos dignitatum gradus tandem
 euexi, spreuerint me, nullaq; amplius
 sit eis cura de honore, de libertate, &
 de maiestate tam optimæ, atque præstan-
 tissimæ matris. quid optimates? quid
 principes in utrumque oculum obdor-
 miscitis? tuemi mi uiduam, defendite
 matrem, undique tot malis, atque mise-
 riis circumseptam. dicite (quæso) quid
 hic faciunt peregrini enses? quid armatæ
 hostium copiæ? quid (oro) tanta sibi
 uult mortalium strages, atque undique
 rerum omnium interitus? ubique lu-
 ctus, ubique clamor, & plurima mor-
 tis imago. in tam magna dissidiorum
 tempestate uidetis ne intus periculum,
 intus denique latere discrimen commu-
 nis libertatis, atque salutis? sic surdi e-
 stis, ut & cæci sitis? quid natura ipsa,
 nonne exaltissimis montibus, atque ex
 profundo mare mihi contra exterarum na-
 tiones munitissima propugnacula fecit?
 Verum quid hæc ualent, nisi adsit uir-
 tus,

tus, nisi adsit concordia uestra, inexpugnabile utique ciuitatum, atque regnorum munimentum? Roma olim iam totius orbis terrarum triumphatrix, belli ciuilibis gladio uulnerata, tota excidit: unde poeta ille:

Altera iam teritur bellis ciuilibus ætas,
 Suís & ipsa Roma uiribus ruit. sola igitur
 uirtus, atque omnium uestrum concordia
 potens est mihi reddere libertatem, maiestatem,
 atque gloriam, discordia, atque bellis ciuilibis
 mihi iam ereptam. GRAEC. Quid si non audiant,
 opemq; non ferant? ITAL. Actum erit omnino
 de communi omnium libertate, atque salute.
 GRAEC. Hoc iam pridem tibi utique obtigisset,
 si aliger ille Leo consilio, armis, auctoritate,
 atque sententia tibi non affuisset. quoties ille
 terra, mariq; opem tulit? quoties auxilia
 promptissime subministravit, ut te de hostium
 seruitute, atque de captiuitate, & excidio eriperet,
 quod undique tibi immi-

DE CALAMITATIBVS

imminere uidebatur? ITAL. Si hic non adesset, de mea proculdubio libertate, atque salute desperarem omnino: sed quid solus in tanta rerum perturbatione, atque studiorum diuersitate?

GRAEC. Bello, paceq; ita solus ualet, ut eum summi terrarum principes timeant, nihilq; præclarum se posse existiment sine eius ope, atque consilio.

ITAL. Vndique suapte natura, atque studio fortissimus, summusq; communis boni amator si exploratum haberet, nunc aliquid egregium se posse agere; cui dubium, quin modo etiam arma arriperet pro communi meæ gentis seruanda libertate, antiquosq; iam meos mihi ille reddidisset honores? sed nusquã tanta fides: domestici inuident: exteri insidiantur, omnesq; illi imponere fatagunt: sed ita prudentia, atque animi magnitudine ualet, ut praua omnium consilia inspiciat, pessimaq; inuidorum studia dissipet, simulq; nefarios proditionum

tionum conatus penitus frangat.

GRAEC. Parum certe non fuit iam centum, & mille annos se potuisse tutari in tanta hominum, atque optimatum discordia, totq; circumuallatum malis, atque insidiis. sed (ut uideo) animal immortale, atque diuinum est. omnes quidem inuidere, atque insidiari, sed nemo ei nocere potest; pulcherrimamq; ideo, simulq; inexpugnabilem sedem diuina dedit prouidentia, quæ cælum protecto, mare pro muro, locaq; sacra propugnaculis habet: adeo, ut ita in terris, ut in cælo honorificentissimum sortitus sit ipse locum. quid plura? amplissimum, simulq; munitissimum ille tenet imperium: tamq; præclare fundatam habet suorum optimatum Remp. ut quicquid pulchri, quicquid honesti, quicquid boni iam in Romana, atque in cæteris rebus publicis, à summis, atque præstantissimis uiris excogitatum fuerat, id omne in hanc unam simul mi-

grasse uideatur. hic fides, hic grauitas,
hic constantia, hic Christi pietas, hic
philanthropia, hic denique simul omnes
uirtutes choreas, pulcherrimosq; trium-
phos ducunt: multi hic Catonēs, multi
Reguli, multi Fabii. quid dicis Italia:
non ne istis tua gloria, tua libertas, tuaq;
maiestas? gens utique sancta, genus ele-
dū heroica hominum species: penitus ne
misera, atque calamitosa modo, etiam
tibi uideberis? ITAL. Cum undique
mecum ipsa mei status conditionem di-
ligentissime considero, ita certe felix hac
in parte, ut misera in aliis, mihi utique
esse uideor. GRAEC. Te quidem bea-
tam, te florentem magis in hac parte,
quàm miseram in quauis alia, esse dice-
rem: quid uero amplius tibi datum ue-
lis? cum in humanis rebus nihil sit ab
omni parte beatum. nam cum tibi olim
iam tota uidebaris florere, magis tunc
uere misera, quàm beata poteras dici.
ITAL. Quid mihi ad culmen summæ
feli-

felicitatis deerat : cum imperio , cum libertate , cum præclarissimis litterarum studiis , præstantissimisque morum institutis , cum re militari , cum denique omnium artium excellentia , super omnes mundi prouincias florerem ?

GRAEC. Tibi tunc deerat uera summi Dei religio : qua nihil melius , nihil præstantius , nihil diuinius in homine :

ITALIA. Id uerum certe Græcia . Romani nanque tunc Deum ipsum non cognoscebant , neque in futuro mundi seruatore sperabant : sed temporum leges , atque impietatem etiam illi ipsi sequebantur . GRAEC. Cum desit pietas in homine , quid omnia alia simul bona , quid denique totius mundi imperium prosit ? cum ipse maxime à ceteris animantibus religione differat . qui te ergo iam beatam qui te florentem dicebant , ipsi te seducebant , parumque illi ipsi summum hominis bonum sese cognoscere demonstrabant .

ITALIA. Quid tu illud existimas?

GRAEC. Christi pietatem, atque religionem. alii quidem in uirtute illud ipsum ponebant, sed uirtutis culmen, atque perfectio, nihil aliud profecto est, quàm uera pietas, atque religio.

ITAL. Quid igitur causæ esse putas, cur, cum modo inter meos adsit pietas, atque religio, magis nunc misera esse uidear, quàm olim iam fuerim?

GRAEC. Dum summum bonum in libertate, in honoribus, in imperio, in populari gloria, in uoluptatibus quæres, nunquam tu certe illud ipsum inuenies. Non extra te, sed supra te, & in te esse uidetur, quod te denique beatam, te florentem omnino potest efficere: illudq; ipsum immortale, atque æternum est. calum, terra, resq; humanæ omnes nunquam in eodem statu ea ipsa permanent; sed continua omnium rerum est uicissitudo, nihilq; proprium, ac perpetuum in huius mundi sæculis. uita
ho-

hominum quid aliud, quàm bulla, at-
 que uentus ? sic enim omnium rerum
 properat finis, simulq; eorum satietas :
 quare aliunde omnino nos quærere opor-
 tet summum bonum nostrum. Peregrini,
 non ciues huius mundi sumus : aliò de-
 migrandum, alibi patria, atque bonum
 nostrum omnino sunt quærenda. omnes
 enim morimur, & uelut aqua dilabi-
 mur : fatalisq; ideo iam iam dies instat : de
 morte, non de uita cogitandum. forti
 igitur animo esto Italia; dumq; libertate
 ciuili uti non potes, præstantissima utere
 animi, atque morum libertate : hocq;
 demum persuasum habe, quod si uera
 Christi pietas, atque Dei opt. max. reli-
 gio in tuorum cordibus, atque mori-
 bus uigebit, longeq; absint schismata,
 hæreses, atque Epicureorum dogmata,
 dabit Deus his quoque finem, uenietq;
 iterum aurea illa ætas, beataq; denuo
 sæcula redibunt : teq; præterea, uti im-
 mortalem, summæ potestatis alumnam,

DE CALAMITATIBVS

ad Christi imperium possidendum, quod
solum stabile, atque æternum est, ubi
beata omnino existens, æuo sempiterno
frui poterit, Deus opt. max. tandem ali-
quando gloriosissime triumphantem
traducet.

THE HISTORY OF THE

... of the ...

... of the ...

... of the ...

... of the ...

THE HISTORY OF THE
LIFE OF SAMUEL JOHNSON
BY JAMES BOSWELL
IN TWO VOLUMES
LONDON: Printed by A. MILLAR, in Pall-mall; and by J. DODD, in St. Paul's Church-yard. 1791.

THE HISTORY OF THE
LIFE OF SAMUEL JOHNSON
BY JAMES BOSWELL
IN TWO VOLUMES
LONDON: Printed by A. MILLAR, in Pall-mall; and by J. DODD, in St. Paul's Church-yard. 1791.

FLAVII ALEXII VAGONII

DE CHRISTI PACE,
ATQVE CIVILI CONCORDIA,
ad nobiles Brixianæ urbis ciues.

ROGATE, QVAE AD PACEM SVNT HIERVSALEM, ET ABVNDANTIA DILIGENTIBVS TE.

HIERVSALEM nanque illa urbs Palestinæ erat, figuramq; tenebat non modo cælestis illius Hierusalem, quæ uiuis ex lapidibus construitur, sed etiam cuiuscunque ciuitatis, in qua colitur Deus; ita ut, quæcunque de illa dicuntur, certa quadam ratione etiam de quacunque fidei ciuitate dici possint. sed hic utique cum uerba facere decreuerim de Christi pace, atque ciuili concordia, à uerbis sanctissimi Prophetæ incipere congruum fuit. sed uos in primis admonitos esse nolo, nobilissimi ciues, me denique neque lucrum, neque gloriam, neque ali-

H quod

DE CHRISTI PACE;

quod humanum ad hoc impulisse, sed
 honestissima amicorum officia, & Chri-
 sti amorem, atque dilectionem uestram
 fecisse, ut causam istam tam sanctam,
 tam præclaram, & vobis tam necessa-
 riam, atque opportunam susceperim
 pertractandam. uir namque fidelis ad fi-
 deles, nobilis (secundum carnem dico)
 ad nobiles, ciuis ad ciues scribit. quid
 igitur causæ fuit, ut uestra ista ciuitas tam
 nobilis, tam præclara tota pene redun-
 det sanguine? ubique scateat inimiciis,
 atque civilibus discordiis? plena sit o-
 diis, atque dissidiis inimici hominis do-
 mestici eius? non hospes ab hospite tu-
 tus: fratrum quoque gratia rara est.
 per uiam ex improviso occiduntur ho-
 mines: in portis ciuitatis, in plateis, in
 propriis laribus, & in ipsis cubilibus fau-
 ciantur miseri. ubique luctus, ubique
 clamor, & plurima mortis imago; &
 nusquam tuta fides. quæ iam tota omni-
 no pacata, atque tranquilla uixerat, mo-
 do

do uulnerata undique, atque dilaniata iacet: & tanquam noua Rachel plorat filios suos, & noluit consolationem accipere, quia non sunt. plures fere occiduntur, quàm nascuntur: plures exules, quàm incolæ, & habitatores. bona quotidie ad fiscum, cadauera ad sepulcrum, & animæ in infernum dilabuntur. sed filii hominum, usque quò graui corde? ut quid diligitis uanitatem, & quæritis mendacium? ciuitas ne ista appellari potest; cum in ea diuinæ, humanæq; leges nihil ualeant; cum iudicia iaceant, mosq; patrius penitus exciderit; an domicilium ferarum, & sedes prædonum, & conuentus fugitiuorum magis nominari debet? una enim ciuitas, unum corpus; multiq; ciues multa sunt membra, sibi inuicem coherentia, &, quæ sibi utilia, atque necessaria sunt, mutuo subministrantia. quæ cum ita sese habeant, nihil sane magis absurdum, quàm ii, qui cum unum corpus esse deberent,

multa corpora fiunt, & in uaria studia distracti, odiis, atque dissidis sese inuicem lacerant, atque consumuntur. sed uidete, ne mordentes inuicem, consumamini ab inuicem. filii enim hominum, dentes eorum, arma, & sagittæ, & lingua eorum gladius acutus. sed pro oraculi uoce, uiri sanguinum, & dolosi non dimidiabunt dies suos. primus qui occidit hominem, eumq; fratrem, uagus, & profugus fuit super terram, de misericordia Dei sibi admodum diffidens. suspensus crepuit medius, qui tradidit Christum ad mortem. in turpissimam seruitutem, & captiuitatem pluries redacti sunt, qui tanquam mali coloni nullum non prophetarum occiderunt: & denique conspiratione facta filium uineæ Domini Sabaoth heredem occiderunt; sese inuicem uerbis Hieremiæ prophetæ prouocantes: Venite mittamus lignum in panem eius, & eradamus eum de terra uiuentium, & non memoretur

moretur nomen eius amplius. sed, ò uana hominum consilia, & stulta principum impudentia: Fremuerunt gentes, & populi meditati sunt inania: astiterunt reges terræ, & principes conuenerunt in unum aduersus dominum, & aduersus Christum eius. sed qui habitat in cælis, irridebit eos, & Dominus subsanabit illos. similiter Dathan, & Abyron cum dissiderent à ueris Dei ministris Mose, & Aaron, seditione facta contra eos absorpti sunt à terra; ita semper zelus, liuor, & contentio displicuit Deo. draco uero ille magnus, à quo bella, seditiones, proditiones, contentiones, homicidia, odia, adulteria, dissidia, blasphemixq; omnes proueniunt, quid denique mali non patitur? iam similis erat Deo, plenus sapientia, & decore, Luciferq; pro gloria excellentia dicebatur, modo inimis terrarum relegatus tenetur, igni æterno, ac densissimis tenebris cum Angelis suis destinatus. homicida nanque
fuit

fuit ab initio , ut diuina scripturarum oracula testantur : & in primis se ipsum , deinde alios sibi adherentes occidit rebellionis gladio , amissione gratiæ , & romphea culpæ . neque hoc ei satis fuit : sed infidiatus est homini , decepit mulierem ; præuaticatus est Adam ; iratus est Deus , illumq; è paradisi deliciis expulit , maledictisq; omnibus subiecit ; pœnituitq; eum fecisse hominem , & denique diluuii aquis deleta est omnis caro . sic itaque inuidia diaboli mors intrauit in uniuersum mundum , eiusq; regnum usque ad finem sæculi duraturum est . hæc igitur omnia de purissimo scripturarum fonte ; quibus apparet nihil magis Deum abominari , quam eos omnes , qui odiis , atque dissidiis insectantur fratres suos , quiq; sese ciuilibus discordiis , atque homicidiis immiscuerunt . nam si , qui odit fratrem suum , homicida est , secundum apostoli illius uocem ; qui ex improviso occiderit , qui

ima-

imaginem Dei consulto prostrauerit,
 qua pœna mulſtabitur? magnum utique
 ſcelus, & irremiſſibilis pene eſt culpa
 homicidii. in libro uitæ primo, & maxi-
 mo mandato præcipitur: Diliges domi-
 num Deum tuum ex toto corde tuo, &
 ex tota anima tua, & proximum tuum
 ſicut teipſum: in his enim duobus man-
 datis tota lex pendet, & prophetæ. ideo
 nihil magis contra legem, nihil magis
 contra Deum, quàm odia, & ho-
 micidia. Deus enim charitas eſt, & qui
 manet in charitate, in Deo manet, &
 Deus in eo. & charitas benigna eſt, hu-
 mana eſt, omnia ſuffert, omnia tolerat,
 & nulli malum pro malo reddit. cum igi-
 tur in hac cauſa, dilectiſſimi ciues, non
 de regno, non de imperio, non de po-
 pulari gloria agatur, ſed de perpetua a-
 nimorum ſalute, atque de ſempiterna
 eorum damnatione, quæramus (oro)
 ſubtilius, cur ita inter ſeſe diuiſa ſit iſta
 ciuitas ueſtra, atque cur undique ſca-
 teat

DE CHRISTI PACE,
teat odiis, atque inimiciis? multæ denique sunt res, quibus natura humana offenditur; uerū si bona nostra tolluntur, si uitæ nostræ insidiis petuntur, si honor, & fama maculatur, cur ad forensia iudicia non recurrimus, quæ idcirco à Deo ordinata fuerunt, ut res nostras repetere liceat, citra tamen omnem animi perturbationem? nihil enim honestius, nihil magno, & præclaro uiro dignius, placabilitate, atque clementia. sed uereor ne in ligno sit, quod lignum rodit. nam cum nobiles sitis, bonisq; omnibus abundetis, uobis denique accidit, quod magnus ille ueritatis doctor, immo ipsamet ueritas diuitibus huius mundi prædixerat: Difficile esse, dicens, diuitem intrare in regnum cælorum. cum enim omnia nobis præsto sint, nihil omnino agimus, nullam honestam rem exercemus; otiosi in uinea Domini stamus; in domo Dei uasa inutilia, in area Christi (hoc est in ecclesia Dei) paleæ, & quis-

233
quiliæ

quiliæ sumus, scandalum omnibus gentibus facti, ita ut nomen Dei blasphemetur propter nos. sic itaque diuitiæ improbitatis magis, quàm bonitatis sunt ministræ: sed istæ quoque salutiferæ, si aderit fides, si non deerit caritas; etsi ex eis cum liberalitate, atque munificentia proximis nostris necessaria suppeditemus; ita ut uere de nobis possit dici: Dispersit, dedit pauperibus, iustitia eius manet in sæculum sæculi. principium igitur calamitatum uestrarum, dilectissimi mei, atque origo ciuiliū discordiarum, nimix uestræ fuerunt diuitiæ; quæ Dei contemptum, & fidei naufragium pariunt: atque hinc dissidia, odia, contentiones, emulationes, adulteria, stupra, & homicidia proueniunt. uerum si Deum uobis placabilem uultis reddere, si peccata uestra peroptatis redimere, oportet uos denuo non uerbis, sed factis renunciare Diabolo; qui impietatem suggerit: renunciare

DE CHRISTI PACE,

mundo, qui tanquam magnus quidam magister leges, & præscripta promulgat; Deo utique, ac salutis nostræ contraria. unde illud Dei, per Esaïam prophetam: Perdam sapientiam sapientum, & prudentiam prudentum reprobabo. nolite igitur, carissimi, diligere mundum, neque ea, quæ in mundo sunt. Omne enim, quod in mundo est, concupiscentia est carnis, concupiscentia oculorum, & ambitio uitæ: qui autem fecerit voluntatem Dei, manet in æternum. hinc amicorum proditioes, & malæ filiorum educationes: hinc denique proximorum iniuriæ, uindictæ, contumeliæ, detractiones, scurrilitates, comessationes, ebrietates, bella, & seditiones. cum igitur mundo, & diabolo renuntiare contigerit, uobis denique ipsis renuntiare oportet: ne philautia laboretis: ne plus, quàm conuenit, uobis coniunctissimos diligatis. iammo, si manus, uel pes, uel oculus:

scan-

AC CIVILI CONCORDIA. 34
scandalizauerit uos . idest si cognati , ac
necessarii uestri , uel nimia erga uosmet-
ipsoſ beneuolentia à Deo uos alienare
contenderent , abſcindere , & proiicere
à uobis iſta omnia omnino neceſſarium
eſt ; & omnibus denique rebus huma-
nis renuntiare , ut digni Deo , digni
Chriſto efficiamini . templum enim Dei
eſtis uos , & gens ſancta ; genus ele-
ctum , & regale ſacerdotium . non enim
tantummodo in manu factis habitat De-
us , ſed in iuſtis electorum animis . redi-
te ergo ciues mei ad cor , reuertimini
(quæſo) ad Deum ; & dicite cum filio
illo , qui totam patris ſubſtantiam diſſi-
pauerat , luxurioſe uiuendo ; pater pec-
caui in cælum , & coram te ; iam non ſum
dignus uocari filius tuus ; ne uobis tan-
dem dicatur , gens abſque conſilio , & ſi-
ne prudentia , utinam ſaperent , & intel-
ligerent , ac nouiſſima prouiderent . in
Iordane , cum Chriſto baptizati eſtis , ne
iterum ad mare Rubrum deoluamini ,

ad salutem mundi, & ad uitia huius
 sæculi, tanquam canis ad uomitum ite-
 rum reuertentes. sed stete cum Mose in
 deserto, & uidebitis mirabilia Dei; &
 cum Iesu nauè Iordanem denique tran-
 site, ut simul cum eo pugnetis cum im-
 probis, & cum malignis potestatibus,
 quousque ascripti in libro uitæ, tanquam
 ueri Israelitæ, mereamini introduci in
 terram fluentem lac, & mel: quæ est
 possessio futurorum bonorum. sed in-
 terim in amœnissimis ecclesiæ pascuis po-
 siti: Rogate, quæ ad pacem sunt Hieru-
 salem, & bene erit omnibus, qui diligunt
 illam. zelus, & contentio non sit inter
 uos, sed idem dicatis omnes: Deus e-
 nim est Deus pacis, & unitatis, non dis-
 sensionis. leuate capita uestra, ecce enim
 appropinquat redemptio uestra. Imi-
 tatoresq; Dei estote, sicut filii carissimi.
 nihil enim ante sæcula erat, præterquam
 Deus in semetipso collectus, immorta-
 lis, diuinus, gloriosus, & æternus, nul-
 laq;

laq; re omnino indigens: & tamen omnia quæcunque uoluit fecit in cælo, & in terra, ut nobis omnia ista postremo donaret. sed, ut nihil omnino tam magno beneficiorum cumulo deesset, filium quoque suum pro nobis tradidit ad mortem: quod diuinus ille Vates non tacuit, dicens: Quid est homo, quia magnificas eum? aut, quid opponis erga eum cor tuum? gloria, & honore coronasti eum, & constituisti eum super opera manuum tuarum, omnia subiecisti sub pedibus eius. plantauerat Deus paradysum deliciarum, ut in illo hominem poneret: terram fecerat, ut illam possideret: fabricauerat cælum, ut denique illo in Deo frueretur. præuaricatus est homo, & statim ille non ad pœnas, sed ad remedia sanitatis confugit. Præsciuerat enim ab æterno diuina illa potestas, hominem sese peccatis omnibus obnoxium facturum: dederat legem in tabulis cordis, & lapideis: illuminauerat men-

tes hominum, ut intelligerent, atque
 prædicerent mysterium illud salutis,
 quod denique in fine temporum reuela-
 tum est. quis igitur tam ferreus, quis tam
 contumax, qui cum uideat Deum, non
 modo omnia, sed etiam semetipsum no-
 bis donasse, totum sese cum suis omni-
 bus è contrario non donet? uerum quia
 Deus nihil magis à nobis exigit, quàm
 eam caritatem, quàm exhibuit nobis,
 moriendo pro nobis; ideo leges utique
 amoris, & præscriptæ mutuæ dilectio-
 nis totis uisceribus suscipiendæ sunt: &
 non modo amici propter Deum, sed e-
 tiam inimici ipsi propter Christum dili-
 gendi sunt. ipse enim, cum nos essemus
 inimici Dei, & uasa iræ, uasa iniquitatis
 interpellauit (sublato primum inimici-
 tiarum pariete) pro nobis, & ipse. i-
 demq; summus pontifex factus introiuit
 semel in sancta, æterna redemptione in-
 uenta. sic igitur, ciues mei, cum in causa
 ista de perpetua (ut iam dixi) uestrorum
 salute,

salute, ac de sempiterna eorum damnatione agatur, odia deponite: Reconciliamini Deo, reconciliamini Christo, & pacem cum omnibus habete, & Deus pacis erit vobiscum. iam enim in uestra facultate erat positum Deum amplecti, et filium exosculari: sed quia hoc iam primum non fecistis, adhærentes maligno, qui fuit homicida ab initio, et trahentes funiculos iniquitatis, modo peccata uestra redemite eleemosyna; sicut enim aqua exingnit ignem, ita eleemosyna exingnit peccatum. urbem habetis potentem, agrum fertilissimum, deliciisq; omnibus affluentem, homines ditissimos: idq; totum à Deo, à quo bona omnia procedunt: quare igitur salutem uestram non operamini, et communibus collectis pascentes greges pauperum uestrorum, nullumq; eorum sinentes ostiatim mendicare; sed omnibus pro indigentia eorum, quæ necessaria sunt subministrantes. talibus nanque hostiis placatur

DE CHRISTI PACE,

catur Deus; cum nihil magis iubeat, nihil magis commendet, quam liberalitatem erga pauperes; ita, ut cum uenerit ad iudicandum, nihil aliud in iudicio illo ad iustificationem, & gloriam nostram sit prolaturus, quam misericordiam, & munificentiam erga pauperes. facite ergo eleemosynam: danti pauperi non erit defectus. cum uideris nudum operi eum, & carnem tuam ne despexeris. dicebat etiam propheta ille: Tunc erumpet quasi mane lumen tuum, et anteibit faciem tuam iustitia tua. in hoc etiam cognoscent homines uos esse, ex militia Christi, si habueritis caritatem ad omnes, et maxime ad domesticos fidei. diligite uxores uestras, sicut Christus dilexit ecclesiam suam: nec acerbitis in filios, et morosi: sed cum primum balbutire inceperint ad Christum eos allicite, bonis eos moribus, et praeclaris institutis, atque doctrinis erudientes, et indisciplinatos corripite.

qui

qui enim parcit uirgæ, odit filium suum. Quem amat Deus, corripit, & flagellat omnem filium, quem recipit. Seruos denique amate, illorum sorti, atque conditioni compatibles; & modestia uestra nota sit omnibus hominibus. Nec remaneat apud uos usque mane merces mercenarii uestri: sed in hoc contendite, ut nihil cuiquam debeatis, nisi, ut uos inuicem diligatis. Hæc itaque facientes, uestra ista ciuitas, quæ descuerat à castris domini, & meretricata fuerat, cum amatoribus plurimis, tota in cædibus, atque civilibus discordiis, mutabit faciem, mutabit amorem, chara erit Deo, deamabitur à Christo, & Angeli custodient eam, ne forte offendat ad lapidem pedem suum: diuitiis nimirum spiritalibus replebitur, bonisq; omnibus redundabit, quousque ueniat sponsus, atque dilectus, & introducat illam in cellaria sua; totaq; interim gaudens, ac læta sæpius

DE CHRISTI PACE,
ſæpius decantabit: Rogate quæ ad pa-
cem ſunt Hieruſalem, & bene ſit omni-
bus, qui diligunt illam.

1802

1802

1802

1802

1802

1802

1802

1802

1802

1802

1802

1802

1802

1802

1802

1802

1802

1802

1802



FLAVII ALEXII VGON

NOBILISSIMI CIVIS

BRIXIANI,

de dignitate , atque præstantia Reipub.
Casinensis.

AD CARDINALEM POLVM

Præsulem amplissimum.

PRAECLARISSIMARVM omnium re-
rum auctor semper fuit Deus , Præsul
amplissime , cum me ergo ille ipse com-
monefecerit , ut de dignitate , atque
præstantia Reip. Casinensis exararem ,
quæ mihi ille dictauerat , tibi quoque ut
hæc elogia nuncuparem , iam ipse de-
creuerat. idq; , ut arbitror , pluribus de
causis : sed hac potissimum , cum meri-
to tu quidem , & amplissimum dignitatis
gradum in ecclesia Dei obtineas , & sum-
mo quodam amore illam utique prose-
quaris ; ita ut tui consilio , auctoritate ,
K atque

atque sententia perpetuo tuendam, atque ampliandam susceperis, ad te igitur hæc elogia currunt, non ut discas quod diu iam optime noveris; quippe cum plus dierum cum monachis, cum solitariis, quàm cum sæcularibus hominibus uixeris: sed ut dicta amplissimo tui iudicio, atque fideli testimonio approbes, & approbata legenda præbeas; ut ædificentur, qui in isto floridissimo regno manent radicati in Christo, & à nullis se sinunt tempestatibus diuelli, neque abstrahi à doctrinis illorum, qui tanquam Philistæi obstruunt puteos Iacob: arcam Domini capiunt, & furantur sacra. sed dextera Domini fecit uirtutem: dextera Domini exaltauit fideles suos. quæ iam dira undique persecutionum rabie præmebatur, modo in folio gloriæ, in throno iustitiæ bonorum omnium plausu, atque consensu sedet regina gentium, & domina populorum. tu uero, qui cum propheta factus fueras, tanquam

quam passer solitarius in tecto, & declinaueras à facie regis; cum desperatæ nimirum essent res, & nulla omnino esset salus, neque remedium malis, tandem magno cum triumpho tanquam rex, & pastor animarum rediisti, unde tam graui, & communi omnium luctu, atque mœrore discesseras. præster igitur uobis Deus temporum pacem, atque tranquillitatem, & ut oues, quæ perierant, consilio, auctoritate, & diligentia uestra reducat in ouile Christi, & ad pascua ecclesiæ in obedientiam Dei; qui habitare facit unanimes in domo sponsæ suæ sanctæ: quæ una est columba, & speciosa in facie dilecti.

Postquam igitur uenit ille desideratus cunctis gentibus; de quo iusti, & electi omnes, qui sub lege, & ante legem fuerunt, in tam magna, & longa expectatione suspensi, cordis magis affectu, quàm uoce dicebant: Rorate cæli desuper, & nubes pluant iustum, aperiatur terra,

& germinet saluatorem; qui exultauit ut
 gigas ad currendam uiam, & à summo cæ-
 lo egressio eius, & occurfus eius, usque ad
 summum eius: ineffabili tandem cordis
 affectu osculatus est sponsam suam: quæ
 tota in desiderio eius posita, atque ac-
 censa dicebat: Stipate me malis, fulcite
 me floribus, quia amore eius langueo:
 & en dilectus meus loquitur mihi, & e-
 go illi. iam per Moysem, iam per pro-
 phetas mihi loquebatur, modo per seip-
 sum mihi loquitur: & introduxit me in
 cellam uinariam, ordinauit in me charita-
 tem. tunc utique uetera omnia mysteria
 impleta sunt: tunc uoces prophetarum
 siluerunt, scissoq; uelamine templi, cære-
 monialia omnia cessauerunt; & sparso
 denique in toto terrarum orbe uerbi
 Dei semine (notus enim erat prius in Iu-
 dæa Deus, & in Israel magnum nomen
 eius) tunc ager ecclesiæ, tunc campi san-
 ctorum pullulare cœperunt germina ui-
 tæ, & pro conditione personarum fru-
 ctum

Etum facere alium quidem centesimum,
 alium sexagesimum, & alium trigesi-
 mum. uaria enim sunt dona spiritus,
 uariaq; sunt munera diuina, & uarii
 gradus, atque ordines sanctorum. si-
 cut enim differt stella à stella in clarita-
 te, ita merita sanctorum in firmamento
 ecclesiæ. alia nanque est lux solis, alia
 lunæ, & alia denique stellarum: sed u-
 num, atque idem omnes in illo, qui est
 candor lucis æternæ. ipsæ nanque est
 lux uera, quæ illuminat omnem homi-
 nem uenientem in hunc mundum. A-
 postoli igitur, qui fuerunt fundamenta
 ecclesiæ, & tanquam cæli, qui enarrant
 gloriam Dei, magnum utique locum te-
 nent. magnum prophetæ, & patriarchæ
 omnes, magnum illi, qui transierunt per
 ignem, & aquam, & salui facti sunt. sed
 quia in ædificio isto spirituali, & in cale-
 sti illa Hierusalem, quæ uiuis ex lapidi-
 bus construitur, non omnes possunt es-
 se columnæ illæ marmoreæ, quæ nullis
 quæ-

quassantur tempestatibus , neque plateæ , & muri eius ex auro purissimo, neque portæ , quæ nitent margaritis , præclarum subinde locum sortiuntur confessores omnes . uiduæ quoque , & illæ quæ nubunt in Christo ; quæq; saluantur per generationem filiorum , & iusti denique omnes . bonus enim est Deus , & bona fecit , & bono nulla cuiusquam boni inuidia est . immo quicquid boni , quicquid pulchri in electos quosque transfusum est , id omne à summo illò totius bonitatis , atque pulchritudinis fonte emanat . quid enim habet homo , quod non accepit , & si accepit , quid gloriatur quasi non acceperit ? diuersi igitur sunt ordines Angelorum ; & diuersi gradus sanctorum , sed unum omnes in capite illo , qui est primogenitus in multis fratribus , & qui nimirum constitutus est rex super Syon montem sanctum Dei , prædicans præceptum eius . Omnes igitur electi sancti , & omnino beati , sicut

cūt & ipse sanctus est, qui eos sanctificauit. sed qui plus omnibus laborauerunt, consequens est, ut maiori etiam gloria, & claritate diuina ditentur. in occidentalibus igitur partibus plures Deo grāti, atque sanctissimi uiri in uinea Domini laborauerunt. sed inter istos ueluti sol micans clarissimus extitit monachorum dux ille Benedictus, Nursiæ nobilissima ex prosapia ortus, qui ad imitationem sanctissimi uiri Basilii Magni Doctoris Græci, præclaram quoque ipse composuit regulam. nam sicut ille uitæ sanctitate, & excellentia doctrinæ totam illustrauerat Græciam: ita iste omnes Italiæ partes miraculorum coruscationibus, & præclarissimis morum institutis perorauit: ita ut multi inclyti uiri ad illum utique confluerent, filiosq; ei in Christo domino erudiendos traderent. sic nanque Placidum martyrem, Maurumq; beatissimum habuit: opera scilicet, consilio, & uoluntate patrum: qui &

& consulares homines erant, & primi fere inter Romanos optimates habebantur. Christi igitur, & Dei imitator factus, qui tacet antequam faciat, facit, antequam dicat, primum in seipso mandata omnia euangelica, & iustificationes Domini expressit, & numeros omnes impleuit, summumq; gradum perfectionis attigit; cunctaq; ei prospere admodum successerunt, tanquã optimo negotiari quarenti bonas margaritas: qui inuenta una pretiosa margarita, abiit, & uendit omnia, quæ habuit, & emit eam. Omnia igitur potuit in eo, qui nos confortat, Christo domino: fuitq; tanquam lignum, quod plantatum est secus decursus aquarum, quod fructum suum exhibet in tempore suo, & folium eius non defluit, & omnia, quæcunque faciet, prosperabuntur: plantatioq; Domini fuit, & præelectus à Deo, uocatus à Christo, specimen omnium uirtutum, & exemplar totius bonitatis christianæ

sele

sefe denique exhibuit, & ueluti sydus quoddam fulgidissimum in ecclesiæ firmamento extitit: fuitq; dignus, qui post Christum, post Apostolos, leges, atque præscripta daret uiuendi secundum Deum, & secundum hominem Christum. & quam primum exemplo Christi (ut iam diximus) in se ipso expresse-
 rat regulam, eam denique aliis (sic Deo uolente, & dictante spiritu sancto) promulgauit implendam, quæ declaratio sermonum Domini fuit, inuitans homines ad culmen euangelicæ perfectionis: multa nanque ex consilio, & multa ex præcepto obseruanda traduntur. ex præcepto diligimus Deum, diligimus proximum, nudum uestimus, esurientem pascimus; & cuncta misericordiæ opera adimplemus: ex præcepto peccata omnia uitamus, fidem, spem, & charitatem habemus; nihilq; supra Deum, neque agros, neque filios, neque uxorem amamus, sed omnia in

L Chri-

DE DIGNITATE

Christo , & per Christum diligimus .
 ex consilio (calcato in limine domus
 patre , & matre) siccis oculis ad uexil-
 lum Christi confugimus . ex consilio in-
 cœnobiis , in cellulis , per cacumina mon-
 tium , per deserta terrarum , uel soli cum
 angelis , & pastoribus , uel sociati cum
 aliis præelectis à Deo , & uocatis à Chri-
 sto sub communi regula uel degimus ,
 uel peregrinamur . ex consilio nihil u-
 tiq;ue cogitamus de hoc mundo , sed
 mundus nobis cum apostolo crucifi-
 xus est , & nos mundo : illudq; sapif-
 sime in mente , & in ore uoluimus :
 iacta cogitatum tuum in Domino , &
 ipse te enutriet ; & unam petii à Domi-
 no , hanc requiram , ut inhabitem in
 domo Domini omnibus diebus uitæ
 meæ . ex consilio non modo quæ habe-
 mus , sed etiam quæ habere , & deside-
 rare possumus , penitus renuntiamus ,
 & uenditis omnibus , pauperibus , &
 egenis omnia nostra impartimus ; ser-
 uantes

uantes illud Christi ad iuuenem dictum (qui gloriabatur sese totam adimpleuisse legem) si uis perfectus esse, uade, & uende omnia quæ habes, et da pauperibus, et ueni sequere me. cum enim ipse diues esset in omnibus (nam Domini est terra, et plenitudo eius, orbis terrarum, et uniuersi, qui habitant in eo) pauper tamen pro nobis factus est. ex consilio illud est Pauli: de uirginibus præceptum non habeo, consilium autem do, ut uirgines, quæ nubere uolunt, nubant in Christo. ex consilio omnia religiosorum uota fiunt; sed tamen omnino seruanda, ut facta fuerint; cum nefas sit mentiri Deo. uouete, et reddite domino Deo uestro omnes, qui in circuitu eius offertis munera, diuinus ille Vates dicebat: Deus enim non irridetur. et nemo mittens manum ad aratrum (ut euangelica uerba testantur) et retro aspiciens, dignus est regno cælorum. nam uxor

DE DIGNITATE

Lothi conuersa fuit in statuam salis, eo quòd respexerit ad id, quod iam Domini mandato reliquerat: sed quid dulcius, quàm totum sese consecrare Deo, penitusq; se Christi legibus subdere? nam seruire Deo, regnare est. et lex Domini immaculata, conuertens animas: testimonium Domini fidele, sapientiam præstans paruulis: iustitiæ Domini rectæ, lætificantes corda: præceptum Domini lucidum, illuminans oculos: timor Domini sanctus, permanet in sæculum sæculi: iudicia Domini uera, iustificata in semetipsa: desiderabilia super aurum, et lapidem pretiosum multum, et dulciora super mel, et fauum. magnum quid mundus arbitratum potiri libertate ciuili; et esse dominum rerum: sed quid maius, quàm morum libertate potiri, et sui ipsius esse dominum? maiorem quippe laudem meretur qui se ipsum uicerit, quàm qui uicerit ciuitates, atque prouincias.

quam

quam enim homo dabit commutationem pro anima sua, etiam si uniuersum mundum lucretur? magnum quid etiam philosophi ipsi existimant bene, et honeste uiuere, illudq; omnibus credendum proponunt, in quo uirtus sit, ei nihil deesse ad bene, beateq; uiuendum. sed quid maius, quam sedere continuo ad pedes Domini, et audire uerbum illius, ita ut et nos possimus dicere: Non ne cor nostrum ardens erat in nobis, dum loqueretur in uia, et aperiret nobis scripturas? gustate, et uidete, quoniam suavis est Dominus, adhortabatur rex, et propheta, beatus uir, qui sperat in eo. homo enim ad hoc factus fuerat, ut frueretur Deo, sed quia peccauit, in hac ualle lacrymarum potus est, pugnaq; ei cum mundo, et cum se ipso indicta manet, et colluctatio non modo aduersus carnem, et sanguinem, sed etiam aduersus principes, et potestates, et rectores mundi tenebrarum harum.

DE DIGNITATE

harum. sentiebatq; ideo apostolus legem in membris suis repugnantem legi mentis suæ, ut non quæcunque uellet faceret. & apostolus Petrus fideles admonebat dicens: sobrii estote, & uigilate, quia aduersarius uester Diabolus tanquam leo rugiens, circuit quærens quem deuoret, cui resistite fortes in fide. & Christus ad discipulos: Satan expetiuit uos, ut cribraret sicut triticum. sed confidere in illo nos oportet, quia ipse nobiscum manet, usque ad consumationem sæculi. ut ergo securius curramus in stadio huius uitæ, & stemus fortiter in bello, & pugnemus cum antiquo serpente, uia nobis multi sancti uiri ostenderunt, quia itur ad Deum, sine tanto discrimine rerum, & qua fores nostræ clauduntur, ne intret mors ad animas nostras: quaq; subtrahuntur occasiones pene omnes peccandi, & fomes malorum, declinando hominum consortia, mulierumq; familiaritates. si enim Dauid non uidisset Berseam,

beam, neque desiderasset, neque peccasset. ita Salomon, si cum peregrinis mulieribus non se commiscuisset, ad idola colenda nō declinasset. Sed quid de matre nostra Eua? quæ cum uidisset, quod bonum esset lignum uetitum ad uescendum, et pulchrum oculis, aspectuq; delectabile, celit de fructu illius, et comedit, deditq; uiro suo. qui ipse quoque comedit, sicq; mors intrauit per fenestras nostras. prius enim poterat Adam non mori, non peccare, et non deferere Deum: peccauit, quia ipse uoluit, ceciditq; ab originali sua iustitia, et maledictis omnibus subiectus fuit. uiri igitur isti sanctissimi cum uiderent hominem ab adolescentia sua pronum ad malum, erexerunt cœnobita, abditos construxerunt recessus, quò homines sese possent recipere; leges, ac præscripta condiderunt, quibus illi bene, ac præclare sese ualerent constituere, turbas utique populorum declinantes, malorumq; consortia fugientes,

DE DIGNITATE

tes, simulq; cum propheta dicentes: O-
di ecclesiam malignantium, & cum im-
piis nō sedebo: omne enim, quod in mun-
do est, concupiscentia carnis est, & con-
cupiscentia oculorum, & superbia uitæ.
qui igitur talia uitæ instituta condide-
runt, Magnus (ut diximus) Basilius fuit:
hocq; idem fecit diuus ille Augustinus,
duoq; illa luminaria ecclesiæ Dominicus
beatus, & uerus ille paupertatis amator
Franciscus: sub quorum magisterio mul-
ti utique docti, atque sanctissimi uiri flo-
ruerunt, & modo florent, doctrina scili-
cet, & moribus, & amplissimis dignita-
tum muneribus. quæ instituta uitæ & à
sacris patrum conciliis, & à summis pon-
tificibus comprobata fuerunt, ut bona, &
sancta, nihilq; à lege Dei, & mandatis, &
iustificationibus Domini aberrantia. sed
quo plausu, quo fauore, quibus auspiciis
incoeperit nomen, uita, & præclara Bene-
dicti sanctissimi instituta florere, non ita
facile dictu est. oleum effusum fuit nomē
suum:

suum: ideo non modo adolescentulæ animæ dilexerunt illum, sed mundi rectores, regesq; & principes terræ illum utique miro cordis affectu uenerabantur, atque colebāt: ita ut nulla esset pars terrarum, in qua cœnobîa sub eius nomine, & norma constructa non essent. modo etiā Germania tota, Hispaniæq; ipsæ, Anglia insuper, & Gallia plena sunt undique celeberrimis, ditissimisq; cœnobîis, sub eius nomine constructis. sed quid in Italia? cum tot cœtus uiro- rum, tot consortia mulierum sub eius institutis undique degant? sed cum inter alia ei donatum fuerit Castrum illud Casinum in Campaniæ provincia situm, ubi gloriosissime & uixit, & mortuus, & sepultus fuit. hinc ex denominatione loci, & tutela, & norma tanti patris congregatio, quæ dicitur Casinensis, nomen, & originem accepit: quæ quantū inter alias præclarissimorum uiro- rum congregationes floruerit, tot sancti pontifices, tot probatissimi Cardinales, tot Pa-

DE DIGNITATE

triarchæ, & Episcopi clarissimi docēt, qui
 eius monachi fuerunt. ut taceam de regi-
 bus, de principibus, & de nobilibus hu-
 ius mundi, qui, dimisso regno, magnisq;
 opibus, & principatu, sese monachos fece-
 runt. diutius nanque ipsa per multa an-
 norum spatia optime gubernauit eccle-
 siam Dei. ita doctissimis, ita sanctissimis, &
 probatissimis quibusque uiris plena sem-
 per fuit. modo etiam in tam prauis mori-
 bus, & in tam corruptis temporibus re-
 dolet nescio quid antiquæ illius dignita-
 tis, atque excellentiæ, optimis nimirum
 fulcita legibus, plena bonis moribus,
 præclaris ornata institutis: & Dei nutu,
 atque fauore, hoc utique præcipuum ha-
 bet, ut diutius in ea nihil mali residere
 queat; sed ut mare, ita ipsa immunda o-
 mnia ad litus proiicit. ocium igitur à suis
 penitus relegatum esse uidetur, ut pote
 quæ semper uel in aliqua honesta corpo-
 ris exercitatione, uel in diuinis laudibus
 eos omnes occupatos teneat: literarūq;
 studiis

studiis operam dare iubet, & in omnibus præclaris disciplinis ad statum monasticum pertinentibus (amplissima mercede conductis ad hoc doctissimis, ac præstantissimis quibusque uiris) suos omnes erudire, & nobilitare studet. sed neque idcirco concionari, neque publice legere, neque disputationibus incumbere eos finit, idq; duabus de causis. primum quia hoc esset contra instituta maiorum, qui solitarii, non populares, qui contemplatiui, non actiui esse uoluerunt: deinde quia id minime necessarium esse conspicit, cū multæ aliæ congregationes ad hoc studere suos iubeant, ut omnia ista munera obire queant. taliq; de causa, quamuis multa cœnobîa sita habeat in urbibus, in oppidis, raro utique (nisi quantum necessitas exegerit) cum sæcularibus hominibus uersantur: raro per urbes, & per oppida discurrunt: mulieribusq; omnibus sub pœna censuræ perpetuo interdicta manent sua omnia domicilia. hospitalita-

tem cum omnibus ita à Christo commen-
 datam, & Apostoli uoce prædicatam, lar-
 ga manu, & hilari uultu promptissime
 exercet: pauperes Christi præ foribus
 semper habet, illosq; nutrit, uestit, & re-
 creat: cum peregrinis, cum domesticis, &
 cum diuitibus huius mundi benigne ad-
 modum, & liberaliter sese gerit, nullumq;
 sinit abire, qui, si honesta petierit, non ob-
 tineat: facultatesq; suas omnes uel in his
 rebus, uel in erigendis cœnobiis, & con-
 struendis ecclesiis Dei, in iisq; parandis,
 quæ pertinent ad ministeriũ Christi, di-
 spensat: felicibusq; admodum auspiciis
 quotidie ei crescunt diuitiæ: idq; cum
 Dei uirtute, tum summa eius cura, atque
 diligentia. nullus enim pater familias tam
 diligens, tam sapiens esse uidetur, qui ita
 bene sua omnia curet, dispenset, amplifi-
 cet, & conseruet, ut ipsa facit. sui omnes
 apostolicam nimirum præferunt regu-
 lam: & habentes uictum, & uestitum, ni-
 hil aliud requirunt: & apud se neque ali-
 quid.

quid pecuniarum, neque cuiuslibet rei aliquid tenent: sed in uictu, cultu, & uestitu frugalitatem illam, atque mediocritatem ita à sapientibus uiris laudatam, obnixè admodum sectantur, in commune omnia habētes: parumq; non est, ita continentes esse in tantis opibus, atque diuitiis, quæ non minus ceteris Christi membris, & fidelibus, quàm suis distribuuntur. Sed quid de eius regiminis forma dicam, cum regiam illam speciē præferat, quæ ita à probatissimis uiris laudatur? quæ constat ex regia, & senatoria potestate. quælibet igitur cœnobìa pulcherrimam admodum reip. formam tenent. locum præsidis refert Abbas. senatorum locum referunt quidam electi ad hoc, ut adiuuent tanquam membra utilia ad bene illa regēda: & in grauioribus rebus ita iuniores, ut seniores conueniunt ad deliberandum id, quod magis utile, magisq; honestum, & necessarium uisum fuerit. sicq; totum corpus huiuscemodi con-

DE DIGNITATE

congregationis regitur . loco regis unus
 eligitur, qui præsidens nuncupatur : loco
 senatus octo alii , qui à definiendis rebus
 omnibus, definitores dicuntur: idq; con-
 silio , auctoritate , atque sententia omniũ
 prælatorum. ipsiq; nouem uiri summa cū
 potestate , negocia omnia expediunt , le-
 ges, & statuta cōdunt, cœnobiaq; omnia,
 pro ut uisum fuerit, ordinare satagunt; di-
 gnitates conferunt; prælatiq; , & monachi
 omnes uel confirmantur ab istis, ubi iam
 assignati fuerant , uel ad alia loca habitan-
 da mittuntur: et si quid mali, si quid con-
 tra optimam uiuendi formam natum fue-
 rit, continuo uel ipsi, uel opera patrum,
 qui per singulos annos uisitant , prouin-
 cias eradicare omnino contendunt, ut o-
 mnia in ipsa rep. ordinate fiant, beneq; , &
 honeste cuncta procedant. tota igitur li-
 bera esse uidetur ipsa resp. purumq; im-
 perium habet, & nemini subiecta, nisi soli
 Deo, & summo eius uicario Pontifici ma-
 ximo : gaudetq; priuilegiis , & libertate
 pon-

pontificia, regali, & imperatoria, multaꝫ;
 oppida, & aliquas ciuitates sub se habet,
 multorumꝫ; beneficiorum liberam te-
 net collationem, cum immunitate suorū
 reddituum, & diplomatibus amplissimis:
 multaꝫ; cœnobia sanctarum uirginum in
 sui tutela, & protectione habet: & in tam
 magna rerum licentia, nihil utique con-
 tra Deum, nihil utique contra leges, &
 decreta principum agitur: sed omnia be-
 ne, & omnia sancte procedunt. lucentꝫ;
 eius merita, & præclara eius opera tan-
 quam stellæ in ipso firmamento, & no-
 men eius in ecclesia Dei; in scena huius
 mundi est odor uitæ ad uitam multorum
 credentium in Christo. idꝫ; totum ex e-
 ius gratia, qui est fons omnium bonorū,
 atque ex eius uiri meritis, qui illam inæ-
 dificium Christi fundauit, atque stabiliuit
 supra firmam petram, ita ut neque à plu-
 uis, neque à uentis diuelli possit à lapide
 illo angulari, qui est Christus dominus;
 donec ueniat dies illa, in qua tota inte-
 gra,

DE DIGNITATE

gra, atque pacata simul cum clarissimo
 Duce suo fiet unum in Christo: Deo pe-
 nitus unita, & angelorum choris sociata.
 atque ita demum tota læta, & gaudens, in
 æuo illo sempiterno sapius decantabit:
 Sicut audiuius, sic uidimus in ciuitate
 Domini uirtutum, in ciuitate Dei nostri.
 Deus fundauit eam in æternum.

51
mo mo
REVERENDISS. ATQVE ILL.

CARDINALI POLO

Flavius Alexius Vgonius S.

PEROPTAREM equidem , præful-
clementissime , ut perpetuo mihi dare-
tur uti , fruiq; posse in Christo iucun-
dissima tua consuetudine : quippe cum
nihil utilius accidere possit , quàm inter-
esse diuinis istis , atque quotidianis tuis
disputationibus . sed quia tecum coram
agere non possum , liceat saltem mortuis
hisce litteris te aliquoties adire , atque te-
cum de omnibus eis rebus , quas tempo-
ris occasio præstiterit , familiariter loqui ,
sicq; ex palma tui ipsius aliquid carpere ,
quod mihi salutem , atque gloriam deni-
que afferat . multa quidem me honesta-
re posse non ignoro ; sed , nihil magis ani-
mos honesta induere , quàm præclarissi-
morum uirorum frequentem admodum

N con-



EPISTOLA

consuetudinem persuasum habeo. anima iusti sedes est sapientiæ. atque hinc est, quod ex purissimo Petri, atque Pauli fonte multa fluente credentium populorum profluxerunt. iustus namque ut palma florebit, & sicut cedrus libani multiplicabitur. quocirca nequeo non summopere eis invidere, qui tibi quotidie assunt, quiq; ex ore, atque tui præsentia tot clarissimos honestatis fructus colligunt. perpetuum namque ver, atque paradysus deliciarum proculdubio est sapientis animus. ego flos campi, & lilium conuallium, dicebat ille, qui est primogenitus in multis fratribus. et ego sum uitis, uos palmites: qui manet in me, & ego in eo, hic fert fructum multum. quando ergo in amoenissimo isto loco commoraberis, paradysum possidebit. sed eo meliorem, atque præstantiorẽ hoc istum esse apparet, quod meliora, atque præstantiora sunt spiritualia, & inuisibilia uisibilibus, atque materialibus rebus. iste
-100- situ

situ quidem pulcherrimus est, undique soli expositus; ab una parte Benaculum habens; qui sapius, ut poeta ille ait, fluctibus surgit marinis; quiq; insularibus locis, atque optimis piscibus longe aliis præstat; ab alia amœnissimis collibus circumseptus. istic undique fontes scatent. hac illac nemora, prata uirentia, uineæ, oliuæ, abietes, lauri, cedri, oppida præterea, rebus omnibus necessariis referta, in modum coronæ illum ambiunt: ita, ut nihil omnino ei desit ex hisce rebus, quæ loca campestria (uisu quidem pulcherrima, & usu grata, atque iucunda) efficere possunt. ædificia, ut uidere licet, atque domus sacra quid pulchri, quid commodi non habent? magno quidem sumptu, atque splendidissima arte constructa fuerunt. modo igitur paradisos paradisum possidet. sed hoc ille præstantior, quòd unus cum tempore tandem omnino euanesceat, alter uero nunquam pulchritudinem, at-

que ornamenta sua amittet ; sed in meliorem, atque diuiniorum statum sese denique reformabit . anima iusti est tanquam hortus irriguus , & fons signatus : & in hoc horto sunt rosæ , sunt uiolæ , sunt palmæ , sunt oliuæ , hic denique cedri , atque cupressi , hic cinnamomum , & balsamum , atque mirrha electa , quæ omnia totum pene terrarum orbem mirifica odoris suauitate implent . Christi bonus odor summus in uniuerso mûdo , dicebat ille , qui post odorem unguentorum suorum multa millia populorum traxerat . paradysus igitur paradysum posidet . quàm ergo felix , quàm denique beatus essem , si mihi daretur tecum semper commorari , ut flores , ut lilia , ut mala Punica colligere possem , atque ex tuis clarissimis fontibus aquam haurire , qua flumina in uentre meo fierent aquæ salientis in uitam æternam . Tu nanque , tanquam nouus Isaac , atque Iacob , iam olim , dum admodum adolescens esses ,
ad

ad fontes eloquiorum Dei anulum fidei
sapientiæ dedisti, quæ ex tuis amantissi-
mis complexibus concepit, & peperit
pulcherrimam filiorum sobolem; qui
sunt immortales generosissimi tui spiri-
tus fructus. fodisti tu quoque puteos,
quos Philistæi obstruere non potuerunt.
pugnauerunt contra te reges: insurrexe-
runt contra te gentes: sed tu manu qui-
dem fortis, & uultu desiderabilis ma-
gnifice eos uicisti, magnificeq; ideo co-
ronaberis. immanissimam insuper super
montem excelsum amplissimæ dignitatis
tuæ feram illam iugulasti, quæ spoliis,
atque trophæis totius mundi onusta, at-
que superba incedit. illa nanque cupi-
ditas, imperii, & dominationis, quàm
dura est domina, quàm imperiosa. quæ
pars terrarum, quæ conditio est homi-
num, in quos illa non dominetur. stre-
nue tamen tu illam uicisti; magnificeq;
ei dominaris. optime persuasum ha-
beas, nihil difficilius esse, quàm bene
im-

EPISTOLA

perare. atque ita demum, dum præstan-
tissima morum, atque animi tui liberta-
te uteris, iam totius mundi dominus ef-
fectus es, manentq; tibi apud Deum, &
homines immortales triumphi, & per
æterna sæcula nunquam peritura gloria.

REVERENDIS ABBATIBVS

SANCTI BENEDICTI,

in concilio Tridentino congregatis,

ex Italia milites Christi:

QUOD sancta Synodus Tridentina ordinavit circa Eucharistiæ sacramentum, & circa particulares Episcoporum iurisdictiones, optima cura, ac diligentia uestra cognouimus. nihil tamen noui, circa fidem huius sacramenti, sancta ista Synodus nos tenere iubet, nisi quod iam in præteritis conciliorum decretis terminatum fuerat. etsi ueteribus aliquid noui pro necessitate temporum addere uisum est, hoc solummodo apud catholicos ecclesiæ patres disputatum, non apud sacramentarios, & protestantes obtentum, neque terminatum fuit. cum his tamen, tanquam cum nouis Philisteis, qui obstruunt puteos Iacob, qui regi David insidiantur, regnumq; eius occu-

pare

pare contendunt, qui inconsutilem Christi uestem scindunt, uerbum Dei adulterant, schismatibus omnia implent, pugna nobis, & exinde uictoria omnino necessaria uidetur. captis regibus, debellatis factionum principibus, expugnata tubis sacerdotalibus Hierico, statim omnia in ius populi Dei, in potestatem ueri Israelis denique cedent. non indigent, qui sani sunt, medico, sed qui male habent, quiq; alios pessimorum studiorum, atque doctrinae contagione male sese habere faciunt. mediator Dei, & hominum, cum ab aeterno propositum haberet seruare oues, quae perierant, domus Israel, in primis assumpta carne uicit peccatum, uicit mundum, malignas debellauit potestates, uicit mortem, atque ita sublato demum inimicitiarum pariete redemit hominem ex Diaboli potestate, & in pristinum, ceu aequiualentem, innocentiae statum reduxit. qualis est corporum, talis est utique cura animorum.

morum . sublatiſ nanque humoribus ,
 qui circa uitalia peccant , paulatim o-
 mnia in optimum uitæ ſtatum reſorman-
 tur . non poteſt amari quod impium ,
 quod nefarium , quod blaſphemum , &
 alienum à ueritate declaratum fuerit .
 amabilis eſt Deus , amabilis eſt ueritas ,
 uirtus , præclaraq; ſimul omnia ſemper
 amabilia fuerunt . Hæreſiarchæ igitur , &
 aſſertores hæreſum principes liberrime ,
 ut uenire poſſint ad iſtam Synodum , tota
 exoptat Italia : idq; ut eueniat , Deum e-
 tiam , atque etiam rogat : ut Chriſti cauſa
 non ui , & armis , ſed iure , & æquitate
 tractetur , nullaq; ſit amplius tergiuer-
 ſandi facultas , nullus excuſationi locus ,
 nulla à caſtris domini deſciſcēdi poteſtas ;
 ſed cominus congregi , & uincere (pro
 ut Chriſti cauſa , ueritatisq; negocium
 exegerit) uel uinci neceſſarium ſit . ueri-
 tas una , mendacia multa , una eccleſia ,
 ſynagogæ multæ , una fides , unum baptiſ-
 ma , & unus Chriſtus , Scythæ , Iudæi ,

Turcæ diuersa quidem fide, & ratione inter se sentiunt, atque uiuant: sic inter protestantes. Anabaptistæ, Sacramentarii, Confessionarii, ceteri qui horum sunt similes uaria utique inter se dogmata sequuntur: quia sub patre mendacii, sub principe dissensionum militant. una è contrario est columba, una speciosa, una formosa, soli dilecto suo Christo cognita: quam ipse proprio ore alloquitur, quam amplexatur, inter cuius ubera die, noctuq; commoratur: & idcirco multitudinis credentium. erat cor unum, & anima una. non aliud Petrus, aliud Paulus, sed idem omnes electi dicebant. nunquam enim diuisus fuit Christus: sed integer, & ubique totus semper permansit, amator pacis, & ueritatis: qui fecit utraque unum, quiq; habitare facit unanimes in domo ecclesiæ, pacis iura, & unitatis decreta hominibus duntaxat bonæ uoluntatis benignissime concedens. sed dum in humanis agunt, multæ tribulationes

tiones iustorum : zelantur nanque potissimum super iniquos , pacem peccatorum uidentes . hac quoque tempestate (optime Deus) uenerunt gentes in hereditatem tuam , & armorum ui obtinuerunt populum tuum , & ciuitates nostras , ut uictores , occupauerunt : templum quoque sanctum tuum , quod est populus Christianus , ipsi coinquinauerunt abominationibus suis , ubique dissidia , ubique schismata , ubique uiciorum portenta disseminantes ; nouas ubique idolatrias , noua dogmata confingentes : magisque nunc ideo temporis uigent Epicureorum dogmata , quam Christi : omnes quærunt , quæ sua sunt , non quæ Iesu Christi . Hierusalem , ciuitas electa , meretricata est cum amatoribus suis , dereliquit Deum factorem suum , & recessit à Deo salutari suo : immolauerunt ingrati homines dæmoniis , & non Deo , ambitioni , luxui , carnisque uoluptatibus sese prorsus deuouentes .

Magna iam olim Græcia, quæ præstantiſſimis morum institutis, quæ fide Christi, quæ sanctiſſimis, atque clarissimis uiris super omnes mundi prouincias florebat, nunc manifesto Dei iudicio ita deleta est, ut in ipsâ Græcia quæramus Græciam. incolæ nanque eius ab exteris nationibus omnes pene sub peccato hæresum uenundati tenentur. sic Asiæ, atque Africæ prouinciæ, quæ per beatissimos Apostolos, iam olim Christo desponsatæ fuerant, quasq; tot magni, atque sanctissimi uiri illustrarunt, dimisso Christo ad primos amatores, per uarias hæreses redierunt. Eurôpa quoque ipsa desciiuit à castris Domini: tota inter se diuisa est, tota nunc ardet bellico furore: quæ fuit regina gentium, nunc facta est serua dæmoniorum. expectauit Dominus ut faceret uuas, & fecit labruscas. sed quomodo conuersa es in amaritudinem uitis alienæ. principes tui pessimi, tyrannidē, nullo habito bonorum delectu, in populos

pulos sibi subiectos exercentes, nomen tantum pietatis usurpant, sed, quid ipsa ualeat, ignorant. illa cupiditas, quæ est imperii, & dominationis, quàm dura in tales est domina, quàm imperiosa. quid faciunt inter uexilla Christi gladii? quid bellorum incendia? quid hominum strages, atque undique rerum omnium interitus? quid rabies sese ulciscendi? & dira dominandi libido? sic ne reformabitur ecclesia? sic ne, quæ Christi, quæ pacis, quæ uere pietatis sunt, tractabuntur? sed, ò bone Deus: iam omnino immutatus est rerum ordo: contra iura naturæ omnia fiunt: sed mala tua potissimum deploranda est fors, ò Germania, atque Anglia, amplissima regna, nobilissima mundi prouinciæ. quis nanque uos fascinauit? quis à Christiana ueritate discedere docuit? iam olim ueræ pietatis magistræ, nunc matres errorum, nunc sedes hæresum, nunc domicilia schismatum factæ estis, quia nec unus ad tempus in

in ecclesia sacerdos, nec unus ad tempus iudex uice Christi à uobis cogitatur. redite præuaricatores ad cor, reuertimini dispersæ oues ad ouilia Christi, reuertimini, obsecramus, ad unitatem ecclesiæ; ut, quæ fuistis aliquando tenebræ, nunc lux fiatis in Domino. una est enim ecclesia cunctarum gentium mater; extra quam non est salus: unum ecclesiæ caput Christus, unus illius uicarius Petrus, cui soli super maris aquas ambulari datum fuerat, & unus electorum Deus. Omne regnum in se ipsum diuisum desolabitur. iam uestre incipiunt captiuitates; propè iam sunt uestre trasmigrationes. Persæ, Medi, & Scythæ iam sedent in portis uestris, iam occupauerunt fines uestros, & inhiant super sanguinem uestrum. sed ut quid Deus repulisti in finem? iratus est furor tuus super oues pascuæ tuæ: memor esto congregationis tuæ, quam possedisti ab initio, tu enim dixisti, quod portæ inferi

non

non praualebunt aduersus eam: idq; uerum esse domi exemplo declarasti. uenerunt pluiæ, flauerunt uenti, & impegerunt in illam; & non corruit, quia bene fundata est supra firmam petram. sed dies mali sunt. non omnes diuina intelligunt mysteria. non omnibus datum est introduci à rege in cellaria sua, & uidere ubi pascatur, ubi cubet dilectus, uel ubi commoretur, uel qualis sit eius sponsa. Vos igitur amplissimi patres, qui in nomine Christi congregati estis, quibus data est omnis potestas ligandi, atque soluendi quæcunque in cælo sunt, & in terra, congregate dispersos Israel in sinum matris Ecclesiæ ad gregem domini, ad ouilia Christi oves reducite, quæ iam olim perierunt. filios prodigos amplexamini, date illis stolam albam, & annulos fidei in manibus eorum. filios quoque mendaces ex fornicatione natos, qui curua uentre genua sua ante Baal, qui dirupto uentre exierunt, & pugnaverunt contra.

ma-

trem, qui nunquam fuerunt ex nobis;
 non habentes uestem nuptialem, foras
 proiicite, anathematizantes illos: ut qui
 cum Christo permanserunt in tentatio-
 nibus mundi, carnis, & diaboli, tanquam
 aurum in fornace probati, idem omnes
 dicant in Christo, idem omnes sapiant,
 idem prædicent, & intelligant, & amplius
 non sint hæreses inter nos: sed ita demū
 aliquando fiat unum ouile, & unus pa-
 stor: quod ut eueniat, spiritus, qui à pa-
 tre procedit, & filio, denique concedat.

FLAVII ALEXII VGONII.

NOBILISSIMI CIVIS

BRIXIANI,

EPITAPHIVM IN MORTE

clarissimi uiri Basilii Leonis

Mantuani.

MULTA quidem, ac pene innumerabilia sunt huius uitæ mala, quibus natura hominum, omnisq; alia creatura, quæ ingemiscit, & parturit usque adhuc, obnoxia esse uidetur; unde Neuius poeta, Pati, inquit, necesse est multa mortalem mala. sed nihil molestius, nihil grauius, nihil toleratu difficilius accidere potest, quàm, cum clarissimi, & amantissimi uiri supremo tandem concesserint fato. assidua id quidem docet experientia. diuitiæ nanque si pereunt, si corporis uires uel senio, uel morbo debilitantur, si ingenii acumen obtunditur, si memo-

P ria

E P I T A P H I V M

ria confunditur, si sensus hebetantur, si fama maculatur, si honor tollitur, si persecutio oritur, moleste id quidem ferimus, tristamur, ac denique summopere dolemus: sed dolor, quem ex hisce rebus capimus, ratione utique, uel tempore minuitur, sedatur, ac denique penitus tollitur. At è contrario si quis carorum, aut si quis magnus, aut amicissimus uir è uita excesserit, non ita facilis inuenitur consolatio. David nanque plus doluit, cum mortem Absalon filii sui intellexit, quàm cum insidias parari, & bellum sibi ab eo iniquissime inferri conspexit. Iacob, audita morte Ioseph, scissis uestibus indutus est cilicium, & luit filium suum diutissime, & à nemine unquam uoluit consolationem accipere: sed dicebat: descendebam ad filium meum lugens in infernum. Lælius quoque, nobilissimus ciuis Romanus, atque alii clarissimi uiri, amicitiae gloria excellentes, ex amicorum morte non potuerunt

IN MORTE BASIL. LEONIS. Go-
runt non magnopere triftari, ac dolere.
ut enim ex eorum præfentia, & confue-
tutine maxima, ac pene infinita bona
nobis proveniunt, ita ex eorum abfen-
tia multa è diuerfo mala fuccedunt. nam
in cunctis præclaris artibus, & discipli-
nis nihil profecto magis nos inftituit, ni-
hil magis animos honefta induit, quàm
bonorum, ac fapientiffimorum uirorum
confuetudo. Cum fancto, ait propheta
Dei, fanctus eris, & cum peruerfo per-
uerteris. nam fi bonos mores corrum-
punt colloquia mala, multo magis pra-
ua, ac facinorofa exempla. qui enim te-
tigerit picē, inquinabitur ab ea. Salomon
quamuis omnium fapientiffimus effer,
alienigenæ tamen mulieres ad idolorum
cultum illum impulerunt. Sanfon, uiro-
rum fortiffimum, Dalida meretrix in-
dofe uicit. prima mulier feduxit uirum,
& Deo rebellem, & inobedientem fecit.
Marcum Antonium, magnum uirum, &
ingenii nobilis, quæ alia res perdidit,

nisi ebrietas, & Cleopatraz amor, ac consuetudo. quando ergo clarissimi, ac sapientissimi uiri inter nos uersantur, quādiu uiuunt, non ita sol prodest corporibus, ut ipsi animis. uiget morum disciplina, uiget pietas, uiget charitas, uiget humanitas, uirtusq; omnis inter homines floret. idq; maxime fit, si uirtuti eorum potentia coniuncta fuerit. quod enim animum in corpore, id in republicā principem esse dicunt. unde si bonus ille, si honestus, si iustus, si pius, si sapiens, si omni denique uirtutum genere cumulatus fuerit, tale nimirum, aliqua saltem ex parte, totum reipublicæ corpus oportet esse. studia nanque principum, simulq; domus, ac familiæ eorum uel uirtutum, uel uitiorum omnium gymnasia quædam publica à quodam sapiente dicebantur. sed quorsum hæc? ut omnes quidem intelligant, nos ex morte summi, ac præclarissimi uiri non mediocre damnum, ac iacturam accepisse.

IN MORTE BASIL. LEONIS. 61
pisse, sed simul cum eo maxima, ac pene
innumerabilia bona perdidisse. modo
nanque defecit gaudium cordis nostri:
quis igitur ex tali eius euentu continere
lacrymas potuit? quis non fleuit? quis
non doluit? cum omnes quidem puro,
ac sincero affectu illum utique dilige-
rent, omnes carum haberent, illum o-
mnes obseruarent, ac colerent, simulq;
omnes una uoce summa laude dignum
eum dicerent, ac prædicarent. non me-
diocriter ergo beatus, qui dum uiueret
amabilem se cunctis, dum è uita exces-
sit, desiderabilem se omnibus exhibuit.
nos miseri, qui modo in huius uitæ mari-
talis, ac tanti uiri præsentia, & modera-
tione caremus. ille felix, qui summa uir-
tute, summo ingenio, deuictis, ac debel-
latis hostibus, tandem ad portum sum-
mæ pacis ex longa nauigatione glorio-
sissime peruenit. sed postquam eius con-
suetudine amplius frui non datur, iuuet
saltem talis uiri facta ex admirabili eius
uir-

E P I T A P H I V M

uirtutè peracta, alto reperere principio;
 ut omnes intelligant, quanta in hoc ui-
 rō fuerit animi uirtus, quæ ingenii glo-
 ria, quæ doctrina, quæ pietas, quæ mo-
 rum facilitas, quæ uitæ integritas, quæ
 præsentia dignitas, quæq; in omni ge-
 nere bonorum felicitas; sicq; memoriam
 uiri tot, tantisq; ornamentis præditi su-
 spiciant, uenerentur, ac colant: atque
 demum clarissimo eius exemplo ad uir-
 tutis studia incendantur. hic nanque ex
 nobili stirpe natus, cum generosæ, ac
 præclaræ indolis esset, bonis utique &
 moribus, & institutis imbuebatur, remo-
 tusq; ab oculis populi, omne pene ociū,
 & tempus in litterarum studiis contere-
 bat. sicq; in dies sapientia, & uirtute non
 magis crescere, quàm ætate, uidebatur;
 uoluptatibus interdum liberalibus, & hō-
 nestis, ut piscationi, & uenationi, operam
 dabat; quemadmodum enim aruis, ita
 ingeniis remissionem dare iubemur: ut
 meliores, actioresq;, cum quieuerint,

fur-

furgant. atque in omnibus illud seruare,
 ne quid nimis; ædes sacras frequentare,
 malorum consortia deuitare, cum pau-
 cis, iisq; probatæ, & clarissimæ uitæ, uer-
 fari consueuerat; tamq; honeste ui-
 tam ducere, ut cuncti eum suspicerent,
 atque amarent, adeo ut summa omnium
 ciuium spes in eum coniecta esse uideret-
 ur. nulli malum pro malo reddebat:
 cum optime nosset, magis secundum
 Deum esse, iniuriam pati, quàm facere.
 Deum itaque timere, & mandata eius
 seruare, parentes honorare, senes ut pa-
 tres uenerari, omnes puro affectu dili-
 gere, atque ita sane de cunctis bene me-
 reri uidebatur. cum ergo quotidie adi-
 ret Ecclesias, atque ibi deuotissime ora-
 tioni instaret, Deūq; continuo tota cor-
 dis deuotione precaretur, ut se à mundi
 illecebris, & oblectamentis immunem
 seruaret, atque in numero militum suo-
 rum ascriberet, Dei nutu accidit, ut il-
 lud de Petri interrogatione euangelium
 quadam

EPITAPHIVM

quadam die decantaretur : ecce nos reliquimus omnia : & alia quæ sequuntur . ad quem Christus respondisse fertur : quòd omnis , qui reliquerit domum , uel patrem , uel matrem , aut fratres , aut sorores , aut agros propter nomen suum , centuplum accipiet , & uitam æternam possidebit . quapropter diu , ac multum secum ipse cogitans quid agere deberet , hocq; secum potissimum uersans , melius ne esset inter Aegypti delicias se à malis omnibus continere , cælibemq; uitam ducere , an tutius in deserto , una cum electis Dei , summo regi militare , ac deservire ; proposuit tandem (relictis omnibus , quæ suo iure possidebat , quæq; animo desiderare poterat) se mundo subducere , & in aliquem secessum se conferre , ut libere , & expedite Deo posset uacare . atque habita tali deliberatione non multo post Deus illum , cum iam esset annorum uiginti , in diui Benedicti familiam transtulit : in qua Christi gratia adiutus,

intus, statim in omni uirtutum genere
 sese exercere cœpit, atque in tantum pro-
 ficere, ut unusquisque magis illum ad-
 mirari, quàm imitari posset. nam sicut
 apis, ita ipse faciebat. in uno mansue-
 tudinis florem, in alio patientiæ fructum
 sibi eligebat. ab isto doctrinam, ab illo
 pietatem, ab alio mentis deuotionem
 discebat. sicq; uniuersos in pietatis, ac
 uirtutis studio imitari contendebat, ut
 omnes utique uinceret, omnes supera-
 ret, atque breui in tempore summus in
 omni bonorum genere euaderet. qua-
 propter cum maximam de se spem da-
 ret, modo hanc, modo illam subire di-
 gnitatem cogeatur. atque in omnibus
 tam strenue, tam sapienter sese gerebat,
 ut quamuis adhuc iuuenis esset, ad sum-
 mos tamen honores prouectus fuerit.
 monachorum igitur, pater, & abbas fa-
 ctus facile dici non posset, quanta cum
 sapientia, & moderatione Christi oues
 pasceret, atque regeret: ita omnia tem-

perans, ut nullus, quod honeste fieri, ac
 sibi recte imperari existimabat, recusare
 posset. in primis ergo Christi pax, &
 concordia in grege suo uigebat, optime
 enim nouerat, quod Diabolus tanquam
 Leo rugiens circuit quærens, si quem a-
 liquo modo extra ouile Christi aberrare
 uideat, ut deuoret, mactet, & perdat:
 quodq; nulla tam firma domus inueniri
 potest, nulla tam potens ciuitas, quæ
 non odiis, atque dissidiis funditus possit
 euerti. Christi ergo uirtutem, Christi
 pacem, Christi concordiam in se ipse te-
 nens, omnibus eam aliis prædicabat,
 nunquam in illius ore nisi Christus, nisi
 pax, nisi misericordia inerat. & ut ocium
 à suis tolleretur (quod est radix omnium
 malorum, & uiui hominis sepultura) uo-
 lebat, ut omnes uel manu aliquid age-
 rent, uel ingenio sese in litterarum studiis
 exercerent: sicq; uitam occuparent, ut
 nunquam eos Diabolus inueniret ocio,
 ac dissidia torpentes. breue enim tem-
 pus

IN MORTE BASIL. LEONIS. 64
pus ætatis, satis est longum ad bene, ho-
nesteq; uiuendum; & plus patet una dies
bonorum, quàm tota penè ætas malo-
rum. non enim refert quàm diu, sed quo
modò uixeris. in uinea ergo Domini,
uolebat, ut intrantes omnes laborarent,
bonisq; & moribus, & artibus sese ho-
nestarent. sicq; inter suos omne bo-
num uigebat, ut Deus ipse inter illos ef-
se uideretur, adeo ut mihi quidem bea-
te uixisse uidear, quia cum tali uiro uixe-
rim. sed quid plura? idem uelle, idem
nolle, omnium eadem erat uoluntas. ut
enim pater, ita filii esse contendebant.
nam sese eis exemplar omnium uirtutum
exhibuerat, non minus docens exem-
plo, quàm uerbo; immo nunquam illis
quoque faciendum proponebat, quod in
se primum non haberet expressum; ca-
uens ne, quod in spiritali ædificio ædifi-
caret uerbo; destrueret exemplo. si quis
in aliquo delicto præoccupatus fuerat,
huiuscemodi in spiritu lenitatis instrue-
bat,

EPITAPHIVM

bat, & cum apostolo omnia omnibus factus erat. atque ideo cum ipse quidem nulli grauis, nulli molestus esset, aliorum tamen infirmitates tolerare semper paratum sese exhibebat. hospites, ut Dei amicos honorare, pauperes, ut membra Christi libentissime suscipere, atque eis pro cuiuslibet necessitate subuenire factagebat. nec quisquam siue pauper, siue diues aliquid ab eo petebat, quod si honestum esset, & dare posset, non acciperet. pater pauperum, spes miserorum, refugium orphanorum ipse utique uocabatur, & erat. & idcirco omnes illum summopere diligebant, omnes venerabantur. mundi quoque principes, ac huius sæculi diuites ita illum diuersis de causis, sed potissimum pro sua iucundissima consuetudine carum habebant, ut nihil gratius, nihil utilius esse dicerent, quam talis uiri uti, fruiq; in Domino posse consuetudine. magnum quid dicam: sed tamen, mihi testis est Deus, quod

IN MORTE BASIL. LEONIS. 65
quod uerum. nunquam me scilicet in
quouis rerum successu, faciem eius im-
mutatam uidisse, solebat enim dicere,
quod miser prorsus sibi uidebatur, qui
multa mala perpeſſus non eſſet. non e-
nim ſcire poſſe, quid bonum eſſet, qui
malum expertus non fuiſſet; cum ſiqui-
dem magnanimos labor nutriat, & mor-
tuum mare uita ſecura ſit, Quem enim
diligat Deus corripit, & flagellat omnem
filium, quem recipit. unde apoſtolus, Si
in hac uita, inquit, ſocii fuerimus paſ-
ſionum, erimus & conſolationum. atque
ideo tanquam aurum in fornace proba-
uit electos Dominus, & quaſi holocauſti
hoſtiam accepit illos, & in tempore erit
reſpectus illorum. in utraque ergo for-
tuna idem animus illi erat, & rebus in ar-
duis æquam mentem, nec ſecus in bonis
ab inſolenti temperatam lætitia ſerua-
bat. diuitias uere quidem contemnere,
paupertatem amare uidebatur; cum opti-
me intelligeret, quod multa petentibus
de-

E P I T A P H I V M

desunt multa, quodq; bene est, ut Horatius dicebat, cui Deus obtulit parca, quod satis est, manu. sapiens quoque Deum orabat: Diuitias, & paupertates ne dederis mihi, sed tantum uictui meo tribue necessaria. diuitiæ enim sunt ad legem naturæ composita paupertas: cum paucis, minimisq; Natura contenta sit. in scena quoque huius sæculi gloriã, & plausum, quo magis ex præclaris suis actibus merebatur, eo plus refugiebat, soli Deo placere desiderans. sed sicut umbra corpus, ita gloria uirtutem semper sequitur. nihil est enim uirtute formosius, nihil pulchrius, nihil amabilius. nam huius quidẽ causa ubicunque uel fama, uel præsentia innotuerat, uirtus eius ad cælum usque efferebatur, & nomẽ eius ubique celeberrimum erat. quippe cum illum immortali gloria, ac laude dignum boni omnes uiri uno ore faterentur. honores uero, quorum cupiditate quidam inflammanitur, ita contemnebat, ut nihil

hil inanius esse, nihil leuius existimaret.
 experimento nanque didicerat nihil dif-
 ficilius esse, quàm bene imperare, & ani-
 marum curam omnium esse periculosis-
 simam. assentationi, quæ utique uitio-
 rum est adiutrix, tollitq; iudicium ueri,
 atque id adulterat, nunquam aures aper-
 tas tenebat: sed sic cum assentationibus
 agebat, ut aspis, quæ obturat aures suas,
 ne audiat uocem incantantis sapienter.
 nulli detrahebat, nec aliquem de proxi-
 mo suo occulte detrahentem libenter
 audiebat. optime enim nouerat, quod
 ut uentus Aquilo dissipat nubes, sic uul-
 tus tristis linguas detrahentium. unde
 uir sapiens, Cum detractoribus, inquit,
 ne commiscearis: quoniam repente ue-
 niat perditio eorum, & ruinam utrius-
 que quis nouit tam scilicet eius, qui lo-
 quitur, quàm illius, qui audit loquen-
 tem. scurrilia, & uana ab eius ore longe
 aberant, sermoq; eius sapientiæ sale erat
 conditus, atque omni urbanitate, & gra-
 uitate

uitate plenus. & in primis delectabatur
 de scripturis aliquid proponere; liben-
 ter audire, respondere uerecunde, recta
 suscipere, praua non acriter confutare,
 disputantem contra se magis docere,
 quàm uincere. lacrymas Deo, non ho-
 minibus offerebat. ieiunia in aurigæ mo-
 dum pro lassitudine, & uiribus corporis
 attemperabat. uerum quid agis; ò ani-
 ma? quid te subtrahis? quid tergiuersa-
 ris oratio? quasi enim mortem illius dif-
 ferre possimus, & uitam facere longio-
 rem, sic timemus ad ultimum peruenti-
 re. omnis enim caro fœnum, & omnis
 gloria eius, quasi flos fœni. ubi nunc
 decora illa faciès? ubi totius corporis
 dignitas? quo ueluti pulchro indumento
 pulchritudo animæ uestiebatur. cum er-
 go per aliquot annos urinæ maximum
 ardorem passus esset, obturatis tandem,
 ac putrefactis meatibus illis, quibus talis
 humor digeritur, febribus æstuarè cœ-
 pit. sed dum calor uenarum fontes ex-
 hauriret,

IN MORTE BASIL. LEONIS. 67
hauriret, sentiens mortem sibi per momenta magis appropinquare, die, ac hora, qua Christus in præclarissima illa cœna sacramentum corporis, ac sanguinis sui discipulis dedit, uoluit etiam ipse uaticum assumere. sed antequam assumeret, pulcherrima oratione omnes cœpit magno, & excelso animo ad contemptum huius uitæ, ad amorem Dei, & ad desiderium patriæ cœlestis adhortari. hic demum de erratis suis ueniam sibi ab omnibus dari postulauit: assumptoq; deuotissime Eucharistiæ sacramento, & extrema tandem unctione perunctus, sapius in ore suo illud uolebat: Sitiuit anima mea ad Deum fontem uiuum: quando ueniam, & apparebo ante faciem Dei: illud quoque crebrius inculcabat: Cupio dissolui, & esse cum Christo: & heu mihi quia peregrinatio mea prolongata est: habitauit cum habitantibus Cædar: multum peregrinata est anima mea. dum ergo sanctissima eius anima in agro adhuc

EPITAPHIUM

corpore constituta maximis doloribus
torqueretur, & tanquam è custodia, uin-
culisq; corporis solui tandem, & ad cæ-
lum euolare gestirer; stabat interea cir-
ca eum corona fratrum deflens, ac plo-
rans, quòd talem, ac tantum patrem
perditura esset. ipse uero spiritu gau-
dens, lasso anhelitu omnes consolaba-
tur: latus erat uultu, & uniuersis circa
plorantibus solus ipse ridebat: sed quid
diu immoror, & dolorem meum diffe-
rendo facio longiorem? sentiens opti-
mus, ac præclarissimus Christi pastor
iam sibi adesse mortem, & frigescenti-
bus ceteteris partibus corporis, atque
membrorum solum animæ teporem in
sacro pectore palpitare, illa uerba in se-
metipso susurrare cœpit: Domine dilexi
decorem domus tuæ, & locum habita-
tionis gloriæ tuæ: & quàm dilecta taber-
nacula tua Domine uirtutum: concu-
piscit, & deficit anima mea in atria Do-
mini. post hæc obmutuit, & clausis ocu-
lis

lis, quasi iam mortalia despiceret, puram, & immaculatam animam eodem die, & eadem hora, qua Christus passus, ac mortuus est, Deo creatori suo reddidit. quo facto uideres omnes, ac si sagitta percussū fuissent, attonitos, ac pene exanimis super eum stare. dolore, ac tristitia plena erant omnia: ubique luctus, ubique gemitus, ubique suspiria, & plurima mortis imago. nec ullus consolationi erat locus. omnis namque, ne uno quidem excepto, in maximum fletum proruperant: uixq; tandem, obligato parumper uulnere, ultimum ei rediderunt officium. at, ubi per omnem Italiae partem fama uolans, certos de eius morte detulit nuntios, statim mœrore, ac tristitia implentur omnes. uoluntur per ora lacrymæ, clamantq; unanimes: heu, heu quia recessit pastor bonus, spes nostra euauit, totius orbis decus, singulareq; Cassinensis familiae ornamentum ablatum est, morsq; ipsa non

ne solem'è mundo tulit, dum talem, ac
 tantum uirum subtraxit? ò mors, quæ o-
 mnia diuidis, & amore sociatos crude-
 lis, ac dura dissocias, cur tanto nos
 priuasti bono? cur optimum Dei ami-
 cum, cur ineffabilem Christi pastorem,
 cur benignissimum patrem nobis tam ci-
 to eripuisti? cur non potius talem diutis-
 sime, & usque ad plaudite, ut ita dicam,
 sinebas uiuere? uiri boni à te certe tollun-
 tur, maliq; ac dolosi solummodo relin-
 quuntur. tolle igitur impios, tolle ne-
 farios, aufer uiolentos, eneca impuros,
 occide sordidos, qui omnes utique de-
 clinauerunt, simul inutiles facti sunt: non
 est qui faciat bonum, non est usque ad
 unum: & dimitte pios, dimitte hone-
 stos, dimitte inclytos, ac spectatos uiros,
 qui ingrediuntur sine macula, & operan-
 tur iustitiam: Deum adorant, & timent,
 Christum colunt, homines amant, uir-
 tutem sectantur, bene, ac beate uiuunt,
 simulq; de omnibus & amicis, & inimi-
 cis

cis bene merentur . sed , ò mortalium
 fragilis , & caduca natura . nisi enim æter-
 nitas animæ nobis esset explorata , &
 Christi fides , quæ charitate uiuit , speq;
 nutritur , nos ad cælum ferret , cum be-
 stiis , ac iumentis , ut Epicurei arbitra-
 bantur , corporum utique nostrorum una
 conditio esse uideretur . idem occubitus
 iusto , & impio , bono , & malo , & mundo ,
 & immundo , sacrificanti , & non sacrifi-
 canti . sicut bonus , ita & qui peccat : si-
 cut qui iurat , ita & is qui iuramentum
 metuit : similiter & homines , & iumenta
 in fauillam , & cinerem dissoluuntur . gra-
 tias ergo tibi Christe seruator tua agi-
 mus creatura , quòd , tam potentem ad-
 uersarium nostrum dum occideris , oc-
 cidisti . quid ante miserius homine ? qui
 æternæ mortis terrore prostratus , uiuen-
 di sensum ad hoc tantum acceperat , ut
 periret . regnauit enim mors ab Adam
 usque ad Moysen , etiam super eos , qui
 non peccauerunt in similitudinem præ-
 uari-

EPITAPHIVM

uaricationis Adæ. ille, ille ergo te uicit
 ò mors, ille te iugulauit, qui quondam
 per Oseam tibi rigidus minabatur : ero
 mors tua ò mors, ero morsus tuus infer-
 ne. illius morte tu mortua es, illius mor-
 te nos uiuimus. deuorasti, & deuorata
 es; dumq; assumpti corporis sollicitaris
 illecebra, & auidis faucibus prædam pu-
 tas; interiora tua adunco dente confossa
 sunt: ante Christum Abraham apud in-
 feros, post Christum latro in paradiso:
 & idcirco in resurrectione eius multa
 dormientium corpora surrexerunt, ui-
 saq; sunt in cælesti Hierusalem. tuncq;
 impletum est illud elogium: surge qui
 dormis, & eleuare, & illuminabit te
 Christus. Hæc igitur omnia si diligenter
 consideremus, cum illo reuerendo no-
 stro pastore quis neget actum esse præ-
 clare? nisi enim, quod ille minime puta-
 bat, etiam huius uitæ immortalitatem
 optare uellet, quid boni non est adeptus,
 quod homini fas esset optare? raptus est,
 ne

ne malitia mutaret mentem eius: & quia placuerat Deo, tandem suum consumauit cursum, fidemq; seruauit. in reliquo reposita illi erat corona iustitiæ, quam proculdubio reddidit illi Deus iustus iudex, cum ex tam alto dignitatis, ac uirtutis gradu excessit è uitæ umbra, ut æterna beatitudo perfrueretur. quo circa diutius mœreri hoc eius euentu uereor, ne inuidorum magis, quàm amicorum sit. magis ergo gaudendum, & latandum est, quòd talem habuimus, quàm dolendum, quod talem amisimus: cum hac siquidem conditione nati sumus: hac uiuamus, ut tandem statuto tempore, & soli Deo præcognito moriamur. sed quid? quotidie certe morimur, quotidie commutamur, & tamen æternos nos esse credimus. sentit ne, obsecro, aliquis nostrum, quando infans; quando puer, quando iuuenis, quando robustæ ætatis, quando senex factus sit? Optima quæq; dies miseris mortalibus

æui

E P I T A P H I V M

æui prima fugit, subeunt morbi, tristisq;
 senectus, Et labor, & duræ rapit incle-
 mentia mortis. quapropter hoc utique
 meditatum ab adolescentia debet esse, ut
 sapiens ille dixit, mortem ut negligamus:
 sine qua meditatione tranquillo esse
 animo nemo potest. moriendum enim
 certe est, & id incertum, an eo ipso die.
 Platonis quoque sententia est, omnem
 sapientum uitam meditationem esse mor-
 tis. laudant hoc philosophi, & in cælum
 usque ferunt, sed multo magis aposto-
 lus: quotidie, inquit, morior per glo-
 riam uestram. aliud est enim conari, a-
 liud agere, aliud uiuere moriturum, a-
 liud mori uicturum. ille moriturus est
 ex gloria, iste moritur semper ad glo-
 riam. debemus igitur & nos animo præ-
 meditari, quod aliquando futuri sumus,
 & quod, uelimus, nolimus, abesse lon-
 gius non potest; paratiq; semper stare,
 ut, quacūq; hora uenerit spūsus, intrare
 possimus cum eo ad nuptias. atque id
 demum

demum de præclarissimo uiro persuasum habere, illum esse cum Christo, & sanctorum sociatum choris, quod hic nobiscum eminus rimabatur in terris, & existimatione quærebat, ibi uiuentem cominus dicere, sicut audiuius, sic & uidimus in ciuitate Domini uirtutum, in ciuitate Dei nostri. quod si desiderium absentiae eius ferre non possumus, non illius, sed nostram uicem doleamus, ita tamen, ut modum adhibeamus in dolore. præcessit enim quò & nos sumus abituri. desideremusq; illum quasi absentem, non quasi mortuum, ut illum expectare, non amisisse uideamur. nobis quidem ille uiuit, semperq; uiuet, qui uirtutem illius, uti par erat, semper amauimus. quæ utique extincta non est, nec nobis solis uersatur ante oculos, qui illam semper in manibus habuimus, sed etiam posteris erit clara, & insignis. nam id quidem solum habemus lucri, quod Christi nobis amore sociamur. charitas

EPITAPHIUM.

nunquam excidit. hæc semper uiuit in
pectore. ob hanc talis, ac tantus uir ab-
sens præsens quoque esse uidetur. illum
modo in celo habemus mutua obsidem
charitatis. iungamur ergo spiritu, strin-
gamur affectu, illum carmina nostra de-
cantent, illum nostræ litteræ sonent, illi
nostrum desudet ingenium, & quem cor-
pore non ualemus, recordatione tenea-
mus; & cum quo loqui non possumus,
de eo loqui nunquam desinamus.

FLAVII ALEXII VGONII

CONSOLATORIA

ad amicum, in morte uxoris.

T VAE mihi litteræ, uir clarissime, uti speculum fuerunt, in quo equidem felicissimum uitæ tuæ cursum, dum mors (inexorabile fatum) dilectissimam uxorem è medio abstulit, interturbatum conspexi. quapropter nequeo non summo-
pere tristari, atque dolere, talis cum sis, ut semper peroptauerim te omni mea cura, studio, ac diligentia posse reddere felicem. sed, quis cum cælo? quis cum Deo pugnare potest? tali nanque conditione nata erat, ut moreretur. tibi nupserrat non perpetuo uictura, sed die, atque hora, qua utique fata uolebant, ad meliora bona transitura. hospes huius mundi, non ciuis erat. sed mortalium cæcitatem equidem summo-
pere admi-

S 2 ror,

EPISTOLA

ror, qui dum minime sciunt, quid uere
 malum, aut bonum sit, plerumque tri-
 stantur, dum gaudere debent, gau-
 dent, dum tristari utique æquum esset.
 hocq; fit, quia sensus, non ratio, in eis
 plerumque dominatur. cum nascitur ho-
 mo, plaudunt omnes; cum è uita disces-
 serit, perhorrescunt cuncti, & angun-
 tur: quippe cum, diutius uiuere, inter bo-
 na; citius è contratio mori inter mala
 computent. sed aliter omnino res sese ha-
 bet. nam uita præsens nihil aliud profe-
 cto boni in se habet, nisi quòd tali uia, at-
 que ratione cuncti homines esse à Deo
 opt. max. accipiunt. in reliquis uero to-
 tus mortalium omnium uitæ cursus,
 continua militia est super terram. sed hic
 uellem, ut diligenter attenderes; si quis
 ita Martialis, ac sanguine gaudens inue-
 nitur, si quis tam ferrea, & ardentis na-
 tura conspicitur, ut perpetuo uelit sine
 aliqua temporum intermissione milita-
 re: bella utique silent, atque prælia tandè
 ali-

aliquando peroptata pacis tempora habent, & nolumus spirituales, atque ideo difficiliōres mortalium pugnas nunquā suum finem habere. dum uiuis, non ne in temetipso, tanquam in magno, ac præclaro aliquo theatro, sensum cum ratione, spiritum cum carne continuo pugnantem sentis? libido præterea, atque innumeræ mortalium curæ, humanaq; ambitio, tanquam immanissimæ beluæ, non ne omnibus horis animum exagitant, dilaniant mentē, & spiritum miserrime discerpunt? intus enim pugna, & foris timores. mundus nanque iste, tanquam magnus quidam magister, perniciosissima nobis quæque suggerit, ita ut nemo omnino sit, cui optime non congruat illud Apostoli: infelix ego homo, quis me liberabit de corpore mortis huius? Pati (inquit Neuius poeta) necesse est multa mortalem mala. & ut nihil mali omnino desit miseræ hominum conditioni, non modo cum nobismetipsis,

sis, & cum uniuerso terrarum orbe pugnandum, sed aduersus principes, & potestates, & rectores mundi tenebrarum harum perpetuo quoque dimicandum est. et in hac pugna non de auro, non de argento, non de magnifica prouinciarum ditione, non de imperii maiestate, ac populari gloria; sed de perpetua animorum salute, ac de sempiterna eorum damnatione agitur. undique igitur tot, tantisq; periculis, & calamitatibus circumsepti, quid est cur uelimus uiuere? quandoquidem talis uitæ ratio magis mors, quam uita dicenda sit. si aliquo morbo detinemur, sanitatem utique modis omnibus, ac rationibus consequi curamus. ita si militare, uel peregrinari contigerit, nunquam est, quin de pace, ac de patria iterum reuiscenda cogitemus. et dum uiuimus, nihil utique de morte meditamur: cum moriendum proculdubio sit, & id incertum an eo ipso die. hocq; nobis repentinæ temporum, ac sæculorum uicissitu-

situdines, successiua horarum spatia, continuus denique uitæ nostræ lapsus, insinuat. omnia enim mortalium opera, ut sapiens ille dicebat, mortalitate damnata sunt. quare sic nobis uiuendum, ut omni hora morituris. mens, ratioq; nostra ita componenda, ut omnia humana perinde possideamus, ac si. mutuo accepissemus. Considera igitur temetipsum, quia aduena, & peregrinus es in terra, & legitimus cæli ciuis, ac possessor, bonumq; tuum ita cogita nusquam hic inueniri posse, sed sursum esse, quod te uere beatum, te florèntem, ac felicissimum efficere potest. Etsi amabas uxorem, prout sapientem, ac christianum uirum, quæ mundi sunt, amare decet, nullatenus te eam amisisse existimabis. securius enim, ac felicius apud Deum, quam apud te nunc uiuit. hocq; lucri habes, quod mutuæ in cælo illam tenes obfidem charitatis. beataq; omnino existens Deum creatorem suum orare non desinit,

EPISTOLA

nit, ut te optime regat, ac gubernat in
 vasto huiusce uitæ pelago, citiusq; à tan-
 tis procellis, & tempestatibus liberatum,
 ad felicissimum, atque immortalem bea-
 tæ uitæ statum transferat, ac perpetuo
 diuini amoris uinculo te secum deuin-
 ctum gloriosissime uiuere faciat. Vale,
 salutemq; meis uerbis illustri uiro Ca-
 millo Aduocato, magnificoq; Calino di-
 ces: hasq; litteras, atque duo hæc dialo-
 gi mei folia legenda præbe. alia citius
 aduolabunt.













